

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Broj: 01-04-1122/23-AP-6
Datum: 27.04.2023. godine

OT. PRED.

Primljeno:	09-05-2023		
Org. jed.	Kl. ozn.	Red. broj	Br. priloga
02	04	1227/23	

GRADONAČELNIK **ZAVIDOVIĆI**

PREDMET: Vijećnička pitanja i inicijative sa 13. sjednice Gradskog vijeća održane, dana 27.04.2023. godine, dostavljaju se.

Na osnovu člana 167. stav 1. i člana 171 a. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), u prilogu akta dostavljamo vijećnička pitanja i Inicijative postavljene na 13. sjednici Gradskog vijeća održanoj, dana 27.04.2023. godine:

- Inicijativa vijećnika Ferid Kaknjašević – Inicijativa za izradu interaktivne mape kojom se omogućuje praćenje prodaje nekretnina u vlasništvu grada, praćenje izdavanja i kretanja dozvola za građenje;
- Inicijativa vijećnika Amer Avdičević – Inicijativa za dodjelu prostorije/kancelarije broj 40. u zgradi zvana „Stara općina“ Udruženju osoba sa invaliditetom Grada Zavidovići;
- Inicijativa vijećnika Kaknjašević Ferida – Inicijativa za sanaciju, uređenje i asfaltiranje parkirališta u ulici Gazi Husrev-bega bb ispred postojećih garaža;
- Inicijativa vijećnika Šemse Fehrića (1) – Inicijativa za formiranje Javnog komunalnog preduzeća „Grijanje“ d.o.o Zavidovići, koje bi djelovalo na području grada Zavidovići, a čiji bi osnivač bilo Gradsko vijeće Zavidovići, po uzoru na JKP „Radnik“ d.o.o Zavidovići.
- Inicijativa vijećnika Šemse Fehrića (2) – Inicijativa za dodjelu jednokratne finansijske pomoći u iznosu od 100KM, svakom maturantu na području općine Zavidovići koji završava srednje obrazovanje u školskoj 2022/23 godini.
- Inicijative vijećnika Hakije Osmića – Inicijativa Gradonačelniku i nadležnim službama, da se u što skorije vrijeme pokuša uraditi, nisu to značajna finansijska sredstva, farbanje gradskih stubova, gradske javne rasvjete u urbanom dijelu Grada Zavidovići.
- Inicijativa vijećnika Samira Skejića – Inicijativa u ime političkog subjekta Naroda i pravde da se razmotri mogućnost dodjele kancelarije našem političkom subjektu u objektu Stara opština.
- Vijećničko pitanje vijećnika Ferid Kaknjašević (1) i (2);
- Vijećničko pitanje vijećnika Hakija Osmić;
- Vijećničke pitanje vijećnika Samira Skejića (1), (2) i (3);
- Vijećnička pitanja vijećnika Hodžić Harisa (1), (2), (3) i (4);
- Vijećničko pitanje vijećnika Skejić Šemsudin;
- Vijećničko pitanje vijećnika Ajdin Polić;

– Vijećničko pitanje vijećnika Mirsad Bečić;

U prilogu akta dostavljam Vam vijećnička pitanja i Inicijative postavljena na 13. sjednici Gradskog vijeća održane, dana 27.04.2023. godine.

Odgovore na postavljena vijećnička pitanja i inicijative potrebno je dostaviti predsjedavajućoj Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.

PRILOG: Vijećnička pitanja i inicijative sa 13. sjednice Gradskog vijeća održane, dana 27.04.2023. godine

DOSTAVLJENO:

1. Naslovu,
2. U spis
3. a/a



PREDSJEDAVALJUĆI
GRADSKOG VIJEĆA

Fojnica Admir, prof.



Broj: 01-04-1122/23-AP-6
Datum: 27.04.2023. godine

VIJEĆNIČKA PITANJA I INICIJATIVE

sa 13. sjednice Gradskog vijeća Zavidovići održane 27.04.2023. godine

VIJEĆNIČKA INICIJATIVA VIJEĆNIKA FERIDA KAKNJAŠEVIĆA:

Ferid Kaknjašević

Predmet: Inicijativa

Na osnovu člana 8. te člana 87. poslovnika o radu Gradskog vijeća upućujem vijećničku inicijativu naslovljenu na – Službu za upravu geodetskih, imovinsko-pravnik poslova i urbanizma- za izradu interaktivne mape kojom se omogućuje praćenje prodaje nekretnina u vlasništvu grada, praćenje izdavanja i kretanja dozvola za građenje. Mapa bi bila dostupna na internet stranici Grada i gradske službe. Inicijativu podnosim u cilju dostupnosti građanima gore navedenih informacija, te blagovremenog prijavljivanja nelegalnih radnji i postupaka, a s tim u vezi i promptniju reakciju gradskog pravobranilaštva i inspekcija. Sredstva obezbijediti u okviru rada i djelatnosti navedene službe.

Ferid Kaknjašević (1)

Predmet: Vijećničko pitanje

Na osnovu člana 8. i 87 Poslovnika o radu upućujem vijećničko pitanje službama grada, ne znam tačno kojoj, a ona će se naći. Zašto je zaustavljeno numerisanja stambenih i poslovnih objekata u gradu i kada se isto planira nastaviti? Dakle, to je ono obilježavanje brojevima ulaza u zgrade i poslovne prostore. Ja vidim da je to stalo. Ne znam zašto i kada će se to nastaviti?

Ferid Kaknjašević (2)

Predmet: Vijećničko pitanje

I drugo vijećničko pitanje je ustvari pitanje, koje samo ja prenosim i to je pitanje od bivših radnika Krivaje u stečaju, oni ga upućuju, takođe ga adresiraju na Gradsko pravobranilaštvo Grada Zavidovići, to je malo poduži dokument koji ću ja ovdje predati presjedavajućem i tražim odgovore u pismenoj formi?

Bivši radnici IP KRIVAJA d.o.o u stečaju Zavidovići – Vijećničko pitanje za Gradsko pravobranilaštvo Grada Zavidovići

Kao vijećnici i građani ovog grada upoznati ste sa problematikom oko imovine i statusom bivših radnika IP KRIVAJA d.o.o u stečaju i Privrednog društva „Krivaja- Mobil“ d.o. Zavidovići u stečaju, a što je jedan od gorućih problema u gradu i što bi svakako trebalo biti u fokusu vaše pažnje jer kao prvo radi se o velikom broju građana grada- bivših uposlenika navedenih firmi koji su bukvalno ostali na ulici, obespravljani i poniženi, a u pitanju je velika vrijednost imovine- nekretnina koje se nalaze u vlasništvu IP KRIVAJA d.o. u stečaju, a koja je bez ikakve naknade prešla u vlasništvo tkz ortačke grupe, to jest firmi „Marić Žepče“ d.o. Žepče, „Makro drvo“ d.o.o Žepče, „Prograd“ proizvodnja, građevinarstvo i trgovina d.o.o Žepče i Privredno društvo „Fedis“ d.o.o Zavidovići.

Tačna je činjenica da je IP KRIVAJA d.o.o u stečaju vlasništvo Federacije Bosne i Hercegovine, ali ne smije se zanemariti koliko značaj Krivaja i njeni resursi, nekretnine imaju značaj za ovaj grad, a o ljudskom faktoru, to jest njenim bivšim obespravljenim radnicima suvično je i govoriti jer su gotovo svi upoznati sa njihovim problemima.

Trebalo bi da vam, kao najvišem organu vlasti u ovom gradu, bude pozata činjenica da se pred Općinskim sudom u Zenici vodi nekoliko postupaka zbog naprijed navedenih činjenica, ali gradske vlasti nisu pokazale gotovo nikakav interes za to. Pošto su nadležni gradski organi upoznati sa činjenicom, odnosno trebali bi da budu upoznati, jer im je to interes i obaveza, da je nad IP KRIVAJA d.o.o u stečaju izvršenja revizija privatizacije, a na zahtjev Vlade FBiH, te je dana 05.10.2021.godine, IP KRIVAJA d.o.o u stečaju zaprimila Izvještaj o obavljenoj reviziji pretvorbe i privatizacije Industrijskog Preduzeća Krivaja Zavidovići d.o.o u stečaju (u daljem tekstu : Izvještaj) sačinjen od strane Agencije za reviziju i privatizacije u FBiH, ovlaštenih revizora: Mr.sc. Adalete Kurtović, dipl.occ, Mr.sc. Alihodžić Advije, dipl.oec, Elizabete Kraljević, dipl.oec, Avdagić Emira, dipl.iur, Hrvat Minete, dipl.iur i Selme Hodžić dipl.iur, broj 02-15-1-334-56/21 od dana 29.09.2021.godine i Rješenje o izvršenoj reviziji pretvorbe i privatizacije Industrijskog Preduzeća Krivaja Zavidovići d.o.o u stečaju, donešeno od strane Agencije za privatizaciju u FBiH, donečeno os strane direktora Agencije za privatizaciju FBiH, broj: 01-02-1-333-5/21 od dana 29.09.2021.godine, Izvještaj o obavljenoj reviziji pretvorbe i privatizacije Industrijskog Preduzeća Krivaja Zavidovići d.o.o u stečaju broj: 02-15-1-334-56/21 od dana 29-09.2021.godine.

Navedeni Izvještaj je sačinjen u periodu od 25.05.2021.godine do 31.08.2021.godine, na osnovu neposrednog uvida u cjelokupnu relevantnu dokumentaciju Krivaja Zavidovići d.o.o u stečaju i u skladu sa odredbama Zakona o reviziji privatizacije državnog kapitala u privrednim društvima i bankama (Sl.novine FBiH br 55/12) i Zakona o reviziji institucija u Federaciji Bosne i Hercegovine (Sl.novine FBiH br. 22/06) i u skladu sa revizorskim standardima Međunarodne organizacije vrhovnih revizorskih institucija –INTOSAI (Sl. novine FBiH BR 30/11, I 62/14) I Etičkim kodeksom profesionalne etike revizora.

U izvještaju o obavljenoj reviziji pretvorbe i privatizacije Industrijskog Preduzeća Krivaja Zavidovići d.o.o u stečaju, sačinjen od strane Agencije za reviziju privatizacije u FBiH, u poglavlju 9. OCJENA POSTUPKA PRETVORBE I PRIVATIZACIJE, tačka 9.2. podnaslov: Revizijok je utvrđeno i bez kvalifikacije mišljena, ističemo sljedeće: u tekstu na stranicama 391, 392 i 393, NAGLAŠENE SU sljedeće činjenice:

- Da kupoprodajna cijena po osnovu Ugovora broj OPU-IP 297/2014 od dana 24.09.2014.godine sa Aneksom 1 broj : OPU-IP 144/2015.godine od 18.05.2015.godine i Ispravkom ugovora broj: 297/2014 od 24.09.2014.godine zaključenom dana 27.10.2015.godine (TO SU UGOVORI PO KOJIMA JE PRODATA IMOVINA KRIVAJE) nije isplaćena na način i po uslovima utvrđenim naprijed navedenim ugovorima, te da nisu ispoštovane obaveze tuženih u pogledu zapošljavanja 800 radnika.
- Da postoje činjenice koje osnovano potvrđuju da je Ugovor broj : OPU-IP 297/2014 od dana 24.09.2014.godine sa Aneksom 1 broj: OPU-IP 144/2015 od 18.05.2015.godine, pa samim time i Ugovor o preuzimanju i reprogramu kreditnih obaveza broj 3079-VIII/15 FZK-12-2-2418-VIII/15 od 30.03.2015.godine i Aneksa 1, ništavan, da je zaključenjem naprijed navedenih ugovora postupano protiv odredbi člana 134 i 135 Zakona o stečajnom postupku FBiH („Sl. Novine FBiH“ br.29/2003, 32/2004, 42/2006 i 4/2017)

Navodi revizorskog Izvještaja ukazuju da su kupci imovine, TKZ.ORTAČKA GRUPA nisu imali zaključen ugovor o ortakluku, te su Ugovorom o prodaji nekretnina i pokretnih stvari broj OPU-IP: 297/2014 od 24.09.2014.godine bili dužni uplatiti prodavcu, tužitelju iznos od 8.700.000,00 KM, a ne na način kako je definisano članom 1.Aneksa I Ugovora o

prodaji nekretnina i pokretnih stvari broj OPU-IP: 297/2014 od 24.09.2014.godine OPU-IP: 144/2015 od 18.05.2015.godine, te da isplatu isplatu kupoprodajne cijene nije nikako moglo preuzeti njihovo novoosnovano društvo, KRIVAJA MOBEL d.o.o Zavidovići, te da se kupoprodajna cijene mogla namiriti samo uplatom u novcu, kako bi se iz isplaćene cijene mogli namiriti svi stečajni povjerioci, odnosno povjerioci stečajne mase.

Navodi izvještaja ukazuju da se Ugovor o preuzimanju i reprogramu kreditnih obaveza broj 3079-VIII/15 FZK-12-2-2418-VIII/15 od 30.03.2015.godine i Aneksa I, ne može nikako smatrati Ugovorom o preuzimanju duga, jer KRIVAJA niti je obaviještena niti je dala svoju saglasnost za zaključenje, slijedom čega je suprotan članu 446.Zakona o obligacionim odnosima FBiH, pa samim tim i ništavan i ne može proizvoditi pravne posljedice. Dalje, cijeneći navode Izvještaja proizilazi da su TZK.ORTAČKA GRUPA postupali suprotno načelima savjesnosti i poštenja, jer su zaključivanjem Ugovora o preuzimanju i reprogramu doveli u zabludu Odbor povjeritelja IP KRIVAJA na način da oni budu u ubjeđenju da je tako isplaćena kupoprodajna cijena.

Revizorski izvještaj je dostavljen nadležnim tužilaštvima, federalnom i kantonalnom pravobranilaštvu koji su svako iz okvira svojih nadležnosti trebali da preuzmu određene mjere vezane za navode Izvještaja.

Dana 09.06.2022.godine, IP KRIVAJA d.o.o u stečaju je Zahtjevom pod brojem SU: 358/2022, a koji je Razvojna banka FBiH zaprimila dana 10.06.2022.godine, tražila od Razvojne banke podatke koliko je po Ugovoru o preuzimanju i reprogramu kreditnih obaveza broj 3079-VIII/15 FZK-12-2-2418-VIII od 03.03.2015.godine i Aneksa I, Ugovora o preuzimanju i reprogramu kreditnih obaveza 03.03.2015.godine broj 3079-VIII/15, od 16.03.2015.godine od strana ortačke grupe otplaćeno kreditnih obaveza i to glavnica, redovne kamate i sudske takse, Razvojnoj banci Federacije Bosne i Hercegovine, koliko je ostalo neizmirenih obaveza, da li je obaveza tuženih u cjelosti ispoštovana, budući da je prema otplatnom planu zadnja rata (osamdesetičetvrta) dospjela sa danom 03.03.2022.godine

Dana 15.06.2022.godine, IP KRIVAJA d.o.o u stečaju je od Razvojne banke FBiH zaprimila Dopis pod nazivom „Odgovor na dopis Stečajnog upravitelja IP Krivaja d.o.o Zavidovići u stečaju broj: SU-358/22 od 09.06.2022.godine“ broj: 7207-IX/22 od dana 13.06.2022.godine u kojem se navodi da Društvo Krivaja Mobil d.o.o Zavidovići nije imalo uplata po glavnici kredita i da su evidentirane uplate po osnovu redovne kamate u ukupnom iznosu od 65.950,92 KM. Stanje obaveza Društva Krivaja Mobil d.o.o Zavidovići na dan 13.06.2022.godine izosi: glavnica- iznos od 6.577.071,94 KM; redovna kamata – iznos od 143.794,63 KM; sudske takse- iznos od 82.647,00 KM.

Slijedom napred navedenog nedvosmisleno proizilazi da:

Da kupoprodajna cijena po osnovu Ugovora broj OPU-IP 297/2014.godine od dana 24.09.2014.godine sa Aneksom I broj: OPU-IP 144/2015 od 18.05.2015.godine i Ispravkom ugovora broj: 297/2014 od 24.09.2014.godine zaključenom dana 27.10.2015.godine nije isplaćena na način i po uslovima utvrđenim Ugovorom broj OPU-IP 297/2014 od dana 24.09.2014.godine sa Aneksom I broj: OPU-IP 144/2015 od 18.05.2015.godine, Ispravkom ugovora broj 297/2014 od 24.09.2014.godine, Ugovorom o preuzimanju i reprogramu kreditnih obaveza broj 3079-VIII/15 FZK-12-2-2418-VIII/15 od dana 03.03.2015.godine i Aneksa I, Ugovora o preuzimanju i reprogramu kreditnih obaveza od 03.03.2015.godine broj 3079-VIII/15 FZK-12-2-2418-VIII/15, od 16.03.2015.godine

Sve ove navedene činjenice bi trebale da budu u fokusu interesovanja nadležnih gradskih vlasti i nikako se nećemo ZADOVOLJITI ODGOVOROM DA NISU NADLEŽNI, JER KRIVAJA JE U VLASNIŠTVU FEDERACIJE, TAKAV ODGOVOR NE SMIJE BITI IZGOVOR ZA NEODGOVORNO PONAŠANJE VLASTI ZA PROBLEME KAKO KRIVAJE TAKO I ZA BIVŠE UPOSLENIKE!

Slijedom naprijed navedenog ZAHTIJEVAMO da se na sjednici gradskog vijeća uvrsti u dnevni red vijećničko pitanje koje se odnosi na sljedeće:

Da li gradske vlasti imaju dovoljno informacija o naprijed navedenim činjenicama, ako nemaju zašto nemaju, odnosno zbog čega ih to ne interesuje?

Da li su gradske vlasti išta preduzele ili da li će išta preduzeti vezano za naprijed navedeno, da li će naći način da kao interesna strana i grad u kojem se nalazi IP KRIVAJA preduzmu određene pravne korake da budu aktivni nosioci pravnih i drugih radnji vezanih za povrat imovine?

Ponavljamo, radi se o imovini velike vrijednosti, radi se o obespravljenim radnicima i gradska vlast ne smije se oglušiti o ovo, te zahtijevamo da se očitujete o konkretnim mjerama koje ćete poduzeti jer tražimo i imamo pravo da od vas to tražimo!

PRILOG- Kopija dijela Izvještaja o obavljenoj reviziji pretvorbe privatizacije Industrijskog Predućea Krivaja

Potrebe novoosnovanog društva, istu nije izmirivala u roku i na način kako je to predviđeno Ugovorom o zajedničkom ulaganju, u čemu se također ogleda odgovornost Vlade FBiH za neispunjenje obaveza preuzetih pomenutim ugovorom, a što je za posljedicu imalo i raskid navedenog Ugovora i Aneksa. (Izvještaj str. 323-368)

Značajno je napomenuti da je Ugovor o zajedničkom ulaganju od 24.09.2008.godine i Aneks od 29.09.2010.godine raskinut Presudom Općinskog suda u Sarajevu br.65 0 Ps 210110 20 Ps 3 od 18.01.2021.godine. Ovoj reviziji nije poznato da li je prvostepena presuda postala pravosnažna. U međuvremenu od dana potpisivanja predmetnog ugovora i aneksa, pa do njihovog raskida prošlo više od 12 godina u kojem periodu je nad IP „Krivaja“ d.o.o Zavidovići otvoren stečaj koji još uvijek nije okončan, Krivaja 1884 d.o.o Zavidovići i PD „Krivaja“ d.o.o Zavidovići su osnovane i brisane iz sudskog registra, a u stečajnom postupku je od strane ortačke grupe kupljena imovina IP „Krivaja“ d.o.o Zavidovići, a nad kojom je 2016.godine također otvoren stečajni postupak koji još uvijek traje. (Izvještaj st.344-389)

Ugovor o osnivanju nije tretirao mogućnost neuspjelog osnivanja, a postojala su saznanja koja su potpisnice Ugovora znale ili morale znati u trenutku zaključenja istog, da postoji mogućnost da će registracija novoosnovanog društva biti osporavana žalbama zaposlenika koji su i prije osnivanja Krivaja 1884 d.o.o Zavidovići imali pravosnažne presude za naplatu svojih potraživanja.

Društvo Krivaja 1884 d.o.o Zavidovići, odnosno PD Krivaja d.o.o Zavidovići je počelo sa oslovanjem od prve registracije, iako rješenje o registraciji istog nikada nije postalo pravosnažno, iako je postojalo saznanje da se na rješenje o registraciji ulažu žalbe os strane zaposlenika. U toku poslovanja u periodu 01.12.2008.godine do 06.08.2011.godine, društvo je ostvarilo i prihode i rashode. Za pomenute godine društvo nije sačinjavalo finansijske izvještaje, niti je iste pravdalo na ovjeru AFIP-u (FIA). Navedeno upućuje na činjenicu da osnivači Vlada Federacije BiH i Ferimpex d.o.o Zavidovići kao osnivači Krivaja 1884 d.o.o Zavidovići, nisu imenovali Nadzorni odbor, niti je postojalo nadležno tijelo koje je usvajalo finansijske izvještaje i nadziralo rad ovog društva. Ovdje pogotovo ističemo da je na navedenom trebala insistirati Vlada FBiH, kako bi zaštitila svoj kapital, jer je Ferimpex d.o.o Zavidovići, kao većinski vlasnik već imao dominaciju u upravljanju društvom putem svog direktora. Nastale, a neizmirene obaveze iz poslovanja „Krivaje 1884“ d.o.o Zavidovići, njenim brisanjem iz registra, onemogućile su povjerioce da iste naplate. Ova revizija je mišljenja, a s obzirom da su postojale i informacije, a i postupci koju su onemogućavali registraciju društva, da isto nije trebalo počinjati sa radom, re da se na isto nije trebala prenositi imovina/kapital, već prvu registraciju uraditi sa upisanim, a ne uplaćenim kapitalom, sve do pravosnažnog rješenja o registraciji.

Revizijom je utvrđeno i bez kvalifikacije mišljenja, ističemo sljedeće:

Preduzeće je konstantno primalo u radni odnos nove zaposlenike, sve do 2008.godine, a konstantno nije moglo izmirivati ukupne kratkoročne obaveze iz kratkoročnih sredstava, niti je realno postojao obim proizvodnje koji bi zahtijevao angažovanje tolikog broja radnika.

Pokušaj velike privatizacije u 2007.godini nije uspio iz razloga postojanja naglih nominalnih obaveza društva, a prvenstveno obaveza po osnovu pravosnažnih sudskih presuda u korist radnika, za razliku plaća po kolektivnom ugovoru, koje su iznosile 57.486.777,92.

Dana 11.07.2011.godine otvoren je stečaj nad IP "Krivaja" d.o.o. Zavidovići, a na osnovu izvršne isprave. Uvidom u dokumentaciju vezanu za stečajni postupak, u toku revizije privatizacije, utvrđeno je da u dokumentaciji ne postoji stečajni plan, odnosno plan konsolidacije društva. Otvaranjem stečajnog postupka, nastale su pravne posljedice i statusna promjena koja nalaže da se danom prije nastanka stečaja moraju zaključiti poslovne knjige u IP "Krivaja" d.o.o. Zavidovići i sačiniti bilans stanja i bilans uspjeha na dan otvaranja stečaja, a otvoriti nove poslovne knjige u IP "Krivaja" d.o.o. Zavidovići- u stečaju, odnosno evidentirati početni bilans na novo društvo. Obračun za period 01.01.2011. do 31.12.2011.godine urađen je kao da stečajni postupak nije ni otvoren. Na dan pravosnažnosti rješenja o otvaranju stečajnog postupka nije izvršen popis cjelokupne imovine društva, već je prvi popis urađen po godišnjem obračunu za 2011.godinu, odnosno nakon otvaranja stečajnog postupka. Osim toga, Nadzorni odbor IP "Krivaja" d.o.o. Zavidovići, dana 28.07.2011.godine uprkos činjenici da je 11.07.2011.godine otvoren stečajni postupak nad IP "Krivaja" d.o.o. Zavidovići donosi Odluku br. NO-II-2/11, kojom imenuje vršioca dužnosti direktora društva. Ugovor o položaju, ovlaštenjima, odgovornostima i pravima menadžera društva br. SU 27/12 od 27.01.2012.godine, koji je sačinjen na osnovu prethodne odluke, potpisao je v.d. direktor i stečajni upravitelj IP "Krivaja" d.o.o. Zavidovići - u stečaju.

Shodno odredbama člana 3. Zakona o stečajnom postupku organi stečajnog postupka su: stečajni sud, stečajni sudija, privremeni stečajni upravnik, stečajni upravnik, skupština povjerenika, privremeni odbor povjerenika i odbor povjerenika.

Članom 51. istog Zakona regulisano je da otvaranjem stečajnog postupka prava stečajnog dužnika da upravlja i raspolaze imovinom koja pripada stečajnoj masi, kao i prava organa, prokuriste, zastupnika i punomocnika stečajnog dužnika prelaze na stečajnog upravnika. Slijedom naprijed izloženog, smatramo da je odluka o imenovanju v.d. direktora društva, te po osnovu iste potpisani Ugovor, sačinjen bez valjane pravne osnove.

Smatramo da je na ovakav način uvedena "kriza upravljanja" u ovom privrednom društvu.

U poslovnim knjigama IP "Krivaja" d.o.o. Zavidovići u stečaju, na dan 31.12.2011.godine iskazana su nematerijalna sredstva u iznosu od 50.000,00KM, a odnose se na osnivački ulog IP "Krivaja" d.o.o. Zavidovići u firmi "Krivaja-Holz" GmbH Njemačka. Dana 26.09.2009.godine "Krivaja-Holz" GmbH Njemačka je obavijestila "Krivaju 1884" d.o.o. Zavidovići da je pokrenut stečajni postupak nad imovinom "Krivaja-Holz" GmbH Njemačka.

U toku 2012.godine stalna materijalna sredstva su smanjena za 95.255.530,00 KM i to na osnovu procjene sudskog vještaka, a po odluci stečajnog upravnika, vrijednost zemljišta je uvećana za 3.514.540,00 KM, vrijednost opreme je uvećana za 3.324.001,00 KM, a vrijednost objekata je smanjena za 108.247.720,00 KM, a ostale promjene se odnose na amortizaciju i nabavku stalnih sredstava.

Na dan pravosnažnosti rješenja o pokretanju stečajnog postupka imalo je potraživanje po osnovu prodaje u ukupnom iznosu od 17.344.245,00 KM, a od toga sumnjivih i spornih potraživanja 14.204.606, te je izvršena kompletna ispravka sumnjivih i spornih potraživanja. U navedenom iznosu uključen je otpis potraživanja od 13.508.707,66 KM od "Krivaja Beechbrook" USA, a koja je bila osnovana od strane IP "Krivaja" d.o.o. Zavidovići. Navedena potraživanja "Krivaja" d.o.o. Zavidovići od firme čiji je osnivač nije naplatila niti je ista utužila, kao ni ostala potraživanja koja su otpisana.

Potraživanja od kupaca u inostranstvu na dan otvaranja stečajnog postupka iznosila su 392.893,00 KM i datirala su iz 2008.godine, te ista nisu bila utužena.

Od pravosnažnosti stečajnog postupka, odnosno 10.11.2011.godine pa do polovine 2014.godine, društvo je samo za upotrebu sopstvenih vozila ostvarilo rashode od 137.402,00 KM, mada je isto posjedovalo putničke automobile. U tom istom periodu učešće troškova zaposlenih u ukupnim troškovima iznosi 49.5%.

Društvo kontinuirano potpisuje ugovore o djelu sa trećim licima sve do 2020.godine, mada kako smo ranije napomenuli, ni postojeći zaposlenici nisu bili dovoljno iskorišteni, te je tako samo u periodu od otvaranja stečaja do polovine 2014.godine utrošeno 224.402,00 KM, dok je u 2020.godini u neto iznosu od 49.040,00 KM.

U toku stečajnog postupka Društvo se po Odobrenju privremenog odbora povjerilaca Broj 1-1/12 od 17.04.2012.godine, saglasnošću stečajnog sudije i Vlade FBiH broj: 08-S 3184/11 od 27.12.2011.godine, zadužilo za 6.000.000 KM dugoročnog kredita kod Razvojne banke FBiH po Ugovoru broj: FZK-12-1-4444-VIII/12 od 18.04.2012.godine. Kredit je bio namijenjen za finansiranje održavanja zaposlenosti u IP "Krivaja" Zavidovići d.o.o. u stečaju (800 radnih mjesta) sa podračuna namjenskog depozita Federalnog Zavoda za zapošljavanje. Kredit je doznačen Društvu u četiri tranše, a o utrošku dobivenih sredstava obaviješten je Federalni Zavod za zapošljavanje.

Nominalna kamatna stopa kredita je 3,00% sa rokom vraćanja od 60 mjeseci i grejs periodom od 12 mjeseci, a sredstvo osiguranja istog je hipoteka nad hotelom "Kristal" i proizvodnom poslovnom cjelinom "Furnirnica".

Nad navedenim objektima nikad nije uspostavljeno založno pravo- hipoteka iz razloga što društvo nije imalo ZK izvadak kojim bi dokazalo svoje vlasništvo na navedenoj nekretnini. Na osnovu dokumentacije sa kojom smo raspolagali, nismo utvrdili da je za dobijanje ovakvog kredita postojao poslovni plan koji bi pokazao da je moguće zadržatu 800 radnika, a takav plan je trebao da sadrži opis proizvodnje i njen obim, opis tržišta, opis konkurencije, opis tržišta prodaje i tržišta nabave, te projektovane bilanse stanja i uspjeha za vrijeme trajanja kredita, tj 60 mjeseci, te ekonomski i finansijski tok projekta, kao i statičke i dinamičke ocjene projekta. IP "Krivaja" d.o.o. Zavidovići nije vratila Razvojnoj banci navedeni kredit, niti kamate po istom. Kredit je isknjižen iz poslovnih knjiga IP "Krivaja" d.o.o. Zavidovići, a na osnovu Ugovora o preuzimanju i reprogramu kreditnih obaveza br. FZK-12-2-2416-VIII/15 od 03.03.2015.godine.

Kredit je preuzelo društvo „Krivaja Mobil“ d.o.o. Zavidovići nad kojim je također dana 22.11.2016.godine otvoren stečajni postupak . Osnivači društva „Krivaja Mobil“ d.o.o. Zavidovići su: Trgovinsko društvo „Makro drvo“ d.o.o Žepče, „Marić Žepče“ d.o.o. Žepče, Prograd proizvodnja, građevinarstvo i trgovina d.o.o. Žepče i Privredno društvo „Fedis“ d.o.o. Zavidovići sa osnivačkim ulogom od po 2.500 KM svaki od osnivača, a isti su u stečajnom postupku IP „Krivaja“ d.o.o. Zavidovići bili kupci stečajnog dužnika. Odbor povjerilaca IP „Krivaja“ d.o.o. Zavidovići u stečaju dana 18.08.2014.godine donio je odluku o prodaji imovine stečajnog dužnika IP „Krivaja“ d.o.o. Zavidovići u stečaju putem usmenog javnog nadmetanja po kojoj je oglašena prodaja imovine stečajnog dužnika IP „Krivaja“ d.o.o. Zavidovići u stečaju dana 19.08.2014.godine.

Novoosnovano društvo „Krivaja-Mobil“ je trebalo nastaviti djelatnost IP „Krivaja“ d.o.o. u stečaju i preuzeti najmanje njenih 800 radnika. Dana 23.10.2014.godine Vlada Federacije BiH je donijela Zaključak V.broj: 1853/2014.

Ovim Zaključkom, pod tačkom 2. daje se saglasnost na preuzimanje i reprogram kredita po Ugovoru broj: FZK-12-1-4444-VII/12 od 18.04.2012.godine uz uslov da se formira nova glavnica u iznosu od 6.000.000,00 KM sa pripadajućom redovnom i zateznom kamatom obračunatom do dana preuzimanja kredita, sa rokom otplate od sedam godina (šest godina i jedna godina grace perioda), s kamatnom stopom 3% uz uslov da se zadrži postojeće sredstvo

obezbjedenja/kolateral, kojim će Federalni zavod za zapošljavanje zadržati prvi rang upisa na hipoteku, te uz obavezu Ortačke grupe za kupovinu imovine IP „Krivaja“ d.o.o. Zavidovići u stečaju, da zadrži broj zaposlenih koji je utvrđen osnovnim ugovorom.

Knjigovodstvena vrijednost imovine stečajnog dužnika IP „Krivaja“ d.o.o. Zavidovići, koja je u stečajnom postupku prodana gore navedenoj ortačkoj grupi, iznosila je 50.047.750,00 KM, a ista je prodana za 8.700.000,00 KM. Do 31.12.2020.godine, navedena imovina je evidentirana u poslovnim knjigama IP „Krivaja“ d.o.o. Zavidovići, ali u vrijednosti od 8.700.000,00 KM, koliko je bila prodajna vrijednost 2014.godine, jer „Krivaja Mobil“ nije izvršila ugovoreno plaćanje na način da vrati kredit Razvojnoj banci Federacije BiH.

Napominjemo da su kupci imovine IP „Krivaja“ d.o.o. Zavidovići u stečaju, bila četiri pravna lica koja nisu imala zaključen ugovor o ortakluku u momentu kupovine, te su ugovorom o kupoprodaji ista bila dužna uplatiti 8.700.000,00 KM i to na način kako je predviđeno ugovorom. Anexom ugovora o reprogramu kredita, način plaćanja je definisan tako da novoosnovano društvo „Krivaja Mobil“ d.o.o. Zavidovići preuzme obavezu po navedenom kreditu prema Razvojnoj banci. „Krivaja Mobil“ d.o.o. Zavidovići je bila novoosnovano društvo i nije imalo nikakvu kreditnu historiju, te nikakve finansijske pokazatelje koji bi upućivali na to i uvjerili i Kreditora i Vladu F BiH I i „Krivaju“ da može preuzeti takvu obavezu.

Posebno naglašavamo da je obaveza plaćanja bila obaveza pravnih lica koja su kupila imovinu u stečaju po javnom pozivu, te je potpuno nejasno kako je ta obaveza mogla preći na „Krivaja Mobil“ d.o.o. Zavidovići (iako su sačinjeni Anex ugovora i Zaključak Vlade F BiH koje smo ranije naveli), kada je pouzdanopostojalo saznanje da novoosnovano društvo nema nikakve finansijske pokazatelje niti bilo kakav plan ili projekat koji bi upućivao na to, ili koji bi mogao uvjeriti strane potpisnice da će moći ispuniti takvu obavezu.

Pogotovo je nejasno kako su kreditor, Vlada F BiH i IP „Krivaja“ mogli ugovoriti da obavezu plaćanja četiri pravna lica prema IP „Krivaji“ d.o.o. Zavidovići može preuzeti njihovo novoosnovano društvo, na način da isto preuzme obavezu po kreditu. Bez obzira što su osnivači navedenog društva, novoosnovano društvo je zasebno pravno lice, koje kao takvo nije ni učestvovalo u kupovini imovine stečajnog dužnika (IP „Krivaja“ d.o.o. Zavidovići u stečaju). Ističemo činjenicu da, s obzirom da nisu izmirene obaveze od strane kupca (četiri pravna lica), niti od strane „Krivaja Mobil“ d.o.o. imovina koja je bila predmet prodaje je vraćena IP „Krivaji“ d.o.o. Zavidovići i evidentirana je u njihovim poslovnim knjigama, a obaveza po osnovu vraćanja kredita evidentirana je u poslovnim knjigama „Krivaja Mobil“ d.o.o. Zavidovići u stečaju.

U poslovnim knjigama IP „Krivaja“ d.o.o. Zavidovići u stečaju, i to na kontu-primljeni avansi, evidentirana je obaveza od 1.850.000,00 KM prema društvima Trgovinsko društvo „Makro drvo“ d.o.o. Žepče, Marić Žepče d.o.o. Žepče, Prograd proizvodnja, građevinarstvo i trgovina d.o.o. Žepče i Privredno društvo „Fedis“ d.o.o. Zavidovići i to prema svakom o dnjih po 462.500,00 KM, a nastala na osnovu uplate 10% od početne cijene predmeta kupoprodaje stečajnog dužnika IP „Krivaja“ d.o.o., te dodatne uplate od 980.000,00 KM.

Na dan 31.12.2020.godine kratkoročne obaveze društva IP „Krivaja“ d.o.o. Zavidovići u stečaju, iznose 135.543.963,00 KM, a tekuća sredstva iznose 3.806.682,00 KM. Dugoročna sredstva iznose 11.345.497,00 KM, a dugoročne obaveze 493.000,00 KM, s tim da društvo nije evidentiralo manjak utvrđen 2018.godine u iznosu od 433.667,69 KM, od čega se na stalna sredstva odnosi 31.036,00 KM, a na zalihe 402.631,00 KM, te se za navedene iznose umanjuje vrijednost stalnih i tekućih sredstava, a povećava iznos kratkoročnih obaveza po osnovu PDV-a i rashod iz prošlih godina, samim tim se smanjuje kapital društva ili eventualno povećanje kratkoročnih obaveza po osnovu terećenja odgovornih lica. Od ukupnog iznosa kratkoročnih obaveza, na obaveze za doprinose za PIO odnosi se 10.516.904,00 KM, prijavljenih u stečajnu masu i 4.051.840,00 KM koji nisu prijavljeni u stečajnu masu. Dakle, ukupne obaveze po osnovu navedenog doprinosa su 14. 568.744,00 KM.

Vlada FEDERACIJE BiH je u periodu od 2009.godine do 2020.godine po osnovu raznih odluka iz budžeta Federacije BiH (razdjeljak 17), sredstava ostvarenih prodajom preduzeća iz nadležnosti Agencije za privatizaciju F BiH i pasivnog podbilansa, ukupno izdvojila 16.074.424,72 KM, na ime obaveza za doprinose za PIO/MIO osiguranje radnika IP „Krivaja“ d.o.o. Zavidovići, „Krivaja 1884“ d.o.o. Zavidovići, PD „Krivaja 1884“ d.o.o. Zavidovići i IP „Krivaja“ d.o.o. Zavidovići u stečaju, te dijela neto plaća.

Porezna uprava Federacije BiH u svom inspekcijskom nadzoru Rješenjem o utvrđenim obavezama br. 13-4-2-15-11-197/16 od 02.09.2016.godine, ustanovila je dodatne obaveze po osnovu poreza i doprinosa u iznosu od 8.046.302,80 KM kod poreskog obveznika „Krivaja 1884“ d.o.o. Zavidovići, dok je Rješenjem br.13-4-2-15-262/16 od 02.09.2016.godine, dodatne obaveze kod društva PD „Krivaja“ d.o.o. Zavidovići utvrđene u iznosu od 3.374.585,66 KM. Navedene kontrole vršene su 5 godina nakon brisanja ovih pravnih lica iz sudskog registra i vršene su u prostorijama društva „Ferimpex“ d.o.o. Zavidovići. Do okončanja nacrtu izvještaja nismo dobili informaciju od PU F BiH, koje je bilo dalje postupanje po izdatim gore navedenim rješenjima.

Na osnovu Odluke Upravnog odbora IP „Krivaja“ d.o.o. Zavidovići br. UO. VII-4-1/99 od dana 16.09.1999.godine odobrena je prodaja zemljišta („Odmaralište Makarska“) koje se nalazi u Makarskoj R Hrvatska u ukupnoj površini od 8889 m2 po početnoj cijeni od 2.222.250,00 DM, po sistemu javnog poziva za prikupljanje zatvorenih ponuda. Ova imovina vođena je u pasivnom podbilansu IP „Krivaja“ d.o.o. Zavidovići. Prema Ugovoru potpisanog od stranetadašnjeg direktora IP „Krivaja“ d.o.o. Zavidovići kao prodavca i Milene Jurišić iz Omiša kao kupca, navedena imovina je prodana za 950.000,00 KM.

Iz priložene dokumentacije nismo se uvjerali da je pribavljena saglasnost Agencije za privatizaciju ZDK, te također nismo dobili dokumentaciju vezanu za javni poziv za ovu prodaju, tako da se nismo mogli uvjeriti da li je bilo više zainteresiranih ponuđača, niti kako je došlo do prodaje po cijeni znatno nižoj od početne cijene koju je utvrdio Upravni odnor IP „Krivaja“ d.o.o. Zavidovići. Po navedenoj prodaji, koliko imamo saznanja, trenutno se vodi sudski spor.

VIJEĆNIČKA INICIJATIVA VIJEĆNIKA AMERA AVDIČEVIĆA:

Amer Avdičević

Predmet: Inicijativa

Inicijativa za dodjelu prostorije/ kancelarije broj.40. u zgradi zvana „Stara općina“ Udruženju osoba sa invaliditetom, Grada Zavidovići)

Na osnovu člana 109. Poslovnika o radu Gradskog vijeća Zavidovići podnosimo inicijativu za dodjelu prostorije/kancelarije broj 40. u zgradi zvana „Stara općina“ Udruženju osoba sa invaliditetom Grada Zavidovići.

Obrazloženje

Udruženje osoba sa invaliditetom Grada Zavidovići podnijelo je samostalno inicijativu prema Gradskom vijeću za dodjelu prostorije u zgradi zvana „Stara općina“, koja se ni nakon nekoliko mjeseci nije našla na dnevnom redu sjednice vijeća, zbog date informacije da u pomenutoj zgradi nema praznih prostorija. Nakon dostavljenih odgovora na vijećnička pitanja, u tabelarnom prikazu koji nam je služba uputila vidljivo je da u predmetnoj zgradi imaju prazne prostorije. Shodno navedenom, pokrećem inicijativu da se Udruženju dodijeli kancelarija broj 40., površine 21.00m2 na korištenje. Udruženje u posljednje vrijeme radi intenzivno te u svom posjedu imaju medicinska pomagala, neophodna osobama sa invaliditetom, kao i pakete pomoći koje je potrebno lagerovati.

VIJEĆNIČKA INICIJATIVA VIJEĆNIKA ŠEMSE FEHRIĆA:

Šemso Fehrić (1)

Predmet: Inicijativa

U skladu sa Članom 109. Poslovnika o radu Gradskog vijeća Zavidovići i u skladu sa Zakonom o komunalnim djelatnostima ZDK (Sl.novine ZDK, broj 17/2008) pokrećem: Inicijativu za formiranje Javnog komunalnog preduzeća „Grijanje“ d.o.o Zavidovići, koje bi djelovalo na području grada Zavidovići, a čiji bi osnivač bilo Gradsko vijeće Zavidovići, po uzoru na JKP „Radnik“ d.o.o Zavidovići.

Obrazloženje

Postojeće komunalno preduzeće JKP „Radnik“ d.o.o Zavidovići, pored ostalih djelatnosti kojima se bavi, bavi se i djelatnosti grijanja na području grada Zavidovići i to u užem gradskom području. Prema podacima koje smo dobijali, a koje i dalje dobijamo od svih relevantnih faktora koji zastupaju ovo preduzeće, može se zaključiti da veliki problem ovom preduzeću predstavlja proces grijanja, zbog čega se vrlo teško održava postojeći sistem grijanja. Nema investiranja niti investicionih planova, koji bi proces grijanja podigli na najviši nivo, jer je preduzeće okupirano problemom pozitivnog poslovanja. Investiciono održavanje ovog procesa je odavno zaustavljeno i čeka se da se postojeći sistem grijanja sam po sebi ugasi.

Buduće preduzeće bi se izdvojilo iz JKP „Radnik“ d.o.o Zavidovići i preuzelo bi sve radnike i sredstva rada, koji su povezani sa procesom grijanja. Za početak bi koristili zajedničke prostorije postojećeg komunalnog preduzeća, a finansiranje njihovog rada u početnom periodu bi preuzelo Gradsko vijeće, dok se ne riješi problem njegovog zbrinjavanja. Prihodi od postojećih članova koji koriste grijanje usmjerili bi se na novoformirano komunalno preduzeće. Osnivanje novog komunalnog preduzeća imalo bi svoje prednosti, a to su:

1. Rasteretili bi postojeće komunalno preduzeće „Radnik“ procesom koji za njih predstavlja i finansijski i tehnički problem. Oni bi se usmjerili na ostale procese koji vode, a koji im daju bolje finansijske efekte. Ovim potezom JKP „Radnik“ bi dobio preduslove da postane samoodrživo preduzeće.
2. Podigli bi održavanje postojećeg sistema grijanja na viši nivo i spriječili bi smanjenje postojećeg broja korisnika i gašenje trenutnog sistema grijanja u gradu
3. Novoformirano preduzeće „Grijanje“ bi moglo da započne proces sistemskog rješavanja problema grijanja grada, za već uspostavljeni sistem grijanja postojećih korisnika
4. Stvorile bi se pretpostavke da se ide razvoj sistema grijanja i mimo postojećih korisnika, tj stvorile bi se pretpostavke za ozbiljnije investiranje u ovu oblast i povećanje broja korisnika

Novoformirano preduzeće bi trebalo da počne sa radom u 2024.godini, prije početka sezone grijanja. Osnivanje i finansijsku pomoć preduzeću obezbijediti kroz Budžet 2024.godine, a sve administrativne pripreme obaviti u toku 2023.godine

Šemso Fehrić (2)

Predmet: Inicijativa

U skladu sa članom 109. Poslovnika o radu Gradskog vijeća Zavidovići pokrećem: Inicijativu za dodjelu jednokratne finansijske pomoći u iznosu od 100KM, svakom maturantu na području općine Zavidovići koji završava srednje obrazovanje u školskoj 2022/23 godini.

Obrazloženje

U cilju finansijske potpore maturantima za izradu matorskog rada predlažem da svaki maturant, bez obzira u kojoj školi završava srednje obrazovanje, a koji imaju prijavu prebivališta na području grada Zavidovići, dobije finansijsku pomoć od 100KM.

Isplatu sredstava obaviti na osnovu priložene potvrde o prebivalištu i na osnovu potvrde izdate od strane srednje škole da isti završava srednje obrazovanje u školskoj 2022/23. godini.

Prema informacijama sa kojima raspolazem, na području grada Zavidovići u školskoj 2022/23.godini ima oko 300 maturanata. Dakle, riječ je o sredstvima u iznosu cca 30.000KM. Isplatu izvršiti sa transfera : **6142431 Transfer za subvenciju troškova prevoza učenika srednjih škola koji koriste javni prevoz(300**

VIJEĆNIČKA INICIJATIVA VIJEĆNIKA HAKIJE OSMIĆA:

Hakija Osmić

Predmet: Inicijativa

Shodno odredbama o Poslovniku Gradskog vijeća predlažem vijećničku inicijativu Gradonačelniku i nadležnim službama, da se u što skorije vrijeme pokuša uraditi, nisu to značajna finansijska sredstva, farbanje gradskih stubova, gradske javne rasvjete u urbanom dijelu Grada Zavidovići. Mislim da su u značajnoj mjeri metalni stubovi korodirali i da ih evo ovom inicijativom, a i ranije je bilo sličnih inicijativa, da se to pitanje pokrene i da se ti metalni stubovi u gradskom urbanom području Grada Zavidovići prefarbaju, da bi taj prvi dojam svakog prolaznika i onoga koji dođe u grad, a i nas redovnih građana stanovnika Grada Zavidovići koji tu žive svakodnevno da se taj dojam popravi. Takođe

Hakija Osmić

Predmet: Vijećničko pitanje

Zašto do sada ništa nije urađeno na farbanju ograda gradskih mostova na rijeci Bosni, rijeci Gostović i rijeci Krivaji?

VIJEĆNIČKA INICIJATIVA VIJEĆNIKA SAMIRA SKEJIĆA:

Samir Skejić

Predmet: Inicijativa

Inicijativa je podnešena u ime političkog subjekta Naroda i pravde i tiče se kancelarijskog prostora budući da smo trenutno jedini politički subjekat koji svoj prostor finansira vlastitim sredstvima, zamolio bih da se razmotri mogućnost dodjele kancelarije našem političkom subjektu u objektu Stara opština, budući da po posljednjem izvještaju od prije dva dana tamo na raspolaganju imaju dva kancelarijska slobodna prostora.

Samir Skejić

Predmet: Vijećničko pitanje (1)

Zamolio bih nadležnu službu da nam dostavi podatke o godišnjem kretanju BDP-a na nivou grada u proteklom periodu 2020.-2023.

Samir Skejić

Predmet: Vijećničko pitanje (2)

Drugo pitanje tiče se inspeksijskih nadzora provedenih u periodu 2020.-2023.godine, konkretno me zanimaju rezultati inspeksijskog nadzora provedenog u oblasti trgovine, apotekarskoj djelatnosti u Gradu Zavidovići.

Samir Skejić

Predmet: Vijećničko pitanje (3)

U ime stanara Ul. Husein kapetan Gradašćevića, postavio bih pitanje kako grad namjerava riješiti problem pojave velikog broja pasa lualica.

VIJEĆNIČKO PITANJE VIJEĆNIKA HARISA HODŽIĆA:

Haris Hodžić

Predmet: Vijećničko pitanje (1)

Na osnovu člana 8. te člana 87. poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju o broju slobodnih parcela u industrijskim / poslovnim zonama, a koje su u vlasništvo Grada Zavidovići?

Obrazloženje :

U prethodnim godinama u nekoliko navrata investitori koji su iskazali interes za otvaranje proizvodnje na području naše općine, nisu uspjeli instalirati pogone na području poslovnih zona grada Zavidovići, te su svoju proizvodnju prebacili u susjedne lokalne samouprave otvarajući nova radna mjesta u drugim općinama.

Direktno pitanje:

Molim nadležnu službu da nam dostavi informaciju da li u industrijskim zonama imamo parcela koje se još uvijek vode u našem vlasništvu, te ukoliko je pozitivan odgovor, tražim da nam se dostavi informacija koje su parcele u pitanju sa tačnim katastarskim oznakama i veličinama?

Takkođer, ukoliko je pozitivan odgovor, molim nadležnu službu za informaciju da li su iste parcele nuđene investitorima koji su u prethodnim godinama iskazivali svoj interes za pokretanje proizvodnje na području Općine Zavidovići, kao dostupno zemljište za instalaciju pogodna?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

Haris Hodžić

Predmet: Vijećničko pitanje (2)

Na osnovu člana 8. te člana 87. poslovnika o radu Općinskog vijeća kao vijećnik Gradskog vijeća Zavidovići postavljam sljedeće vijećničko pitanje: Tražim od Gradskog pravobranilaštva Zavidovići da nam dostavi informaciju na osnovu koje saglasnosti je gradski pravobranilac izvršio zaključenje Sporazuma o nagodbi br. 7/21 od 13.01.2023.godine?

Obrazloženje:

13.01.2023.godine Gradski pravobranilac potpisao je Sporazum o nagodni br 7/21 bez prethodnog odobrenja i saglasnosti od strane Gradskog vijeća Zavidovići i Gradonačelnika, kršeći time Zakon o građevinskom zemljištu FBiH, Zakon o stvarnim pravima FBiH, te odredbe Statuta Općine Zavidovići.

Direktno pitanje:

Molim Službu gradskog pravopranilaštva da nam dostavi izjašnjenje da li su imali prethodu saglasnost i odobrenje za potpisivanje ugovora, zašto o ovom događaju nisu izvijestili i upoznali Gradsko vijeće Zavidovići i da li su svjesni da su ovakvim činom učinili krivično djelo?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

Haris Hodžić

Predmet: Vijećničko pitanje (3)

Na osnovu člana 8. i 87. Poslovnika o radu Općinskog vijeća kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju ko su bili prethodni vlasnici nekretnina 731/2; 732/2; 734/1 i 734/2 k.o Zavidovići, te kada je izvršen upis i prijenos vlasništva na nove trenutne korisnike i vlasnike

gore pomenutih nekretnina, te po kojoj cijeni je realizovana kupovina/zaključen ugovor za gore navedene parcele?

Od nadležnih zahtijevam jasne odgovore u pisanoj formi.
Vijećničko pitanje upućuje se nadležnoj gradskoj službi.

Haris Hodžić

Predmet: Vijećničko pitanje (4)

Na osnovu člana 8. i 87. Poslovnika o radu Općinskog vijeća kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne ghradske službe da nam dostavi informaciju da li su parcele 1695/4; 1695/5 1695/6 k.o Zavidovići u vlasništvu DRSV R. SAVE VOD.POD.SLIV pod zakupom drugih pravnih i fizičkih lica i ako jesu dostaviti informaciju do kada traju ugovori o zakupu kao i kopije istih?

Od nadležnih zahtijevam jasne odgovore u pisanoj formi.
Vijećničko pitanje upućuje se nadležnoj gradskoj službi.

VIJEĆNIČKO PITANJE VIJEĆNIKA ŠEMSUDINA SKEJIĆA:

Skejić Šemsudin

Predmet: Vijećničko pitanje

Nisam zadovoljan što na jučerašnjem dočeku kompletne Vlade ZE-DO kantona na čelu sa premijerom i svim ministrima, mi kao vijećnici nismo mogli biti predstavljeni kako bi to trebalo. Za mene je to u neku ruku i ne poštovanje vijeća i samog presjedavajućeg. Podsjetit ću vas juče je bila visoka delegacija kanotna sa premijerom i 12 čini mi se ministara. Obišli su vjerovatno su bili i ovdje, sve je to odlično, ali ja sam smatrao da moam da upitam zašto presjedavajući nije, ako iko treba predstavljati nas na tako jednoj delegaciji onda je to presjedavajući.

VIJEĆNIČKO PITANJE VIJEĆNIKA AJDINA POLIĆA:

Ajdin Polić

Predmet: Vijećničko pitanje

U skladu sa članom 8 i 87. Poslovnika o radu Općinskog vijeća, postavljam vijećničko pitanje: Federalno ministarstvo Kulture i Sporta, 8.aprila 2023.godine objavilo je javni poziv za odabir programa i projekata koji će se sufinansirati iz Proračuna Federacije Bosne i Hercegovine u 2023.godini, odnosno iz Transfera za sport od značaja za Federaciju 2023. Uz javni poziv objavljena je tabela korisnika koji nemaju pravo aplicirati na javni poziv, a pod rednim brojem 37. nalazi se Općina Zavidovići.

Pitanje upućujem nadležnoj službi, tražim informaciju o podnesenom projetnom prijedlogu i iz kojeg razloga se Općina/Grad nalazi na toj listi?
Odgovor zahtijevam pisanim putem od nadležne službe.

VIJEĆNIČKO PITANJE VIJEĆNIKA MIRSADA BEČIĆA:

Mirsad Bečić

Predmet: Vijećničko pitanje

Na osnovu člana 8 . i 166. Poslovnika o radu Gradskog vijeća Zavidovići podnosim vijećničko pitanje koje glasi: Svjedoci smo svakodnevnog nasipanja desne obale rijeke Bosne i izgradnji objekata na istoj, te od nadležne službe tražim odgovor na pitanje, da li je planirana izgradnja mosta na lokalitetu Gvozdeni most, koji bi povezao ul. Zlatnih ljiljana i ul. Viniski put i Podubravlje, da li je predviđeno planskim dokumentima, ako jeste da li imamo pripremljenu projektnu dokumentaciju i potrebne saglasnosti, dozvole, riješene imovinskopravne odnose.
Tražim da mi se odgovor saopšti usmeno ili pisanim putem.

Odgovor: Gradonačelnik: Hašim Mujanović: Koristim priliku da vas sve srdačno pozdravim. Što se tiče postavljenih pitanja većina je izgleda tražila odgovor pisanim putem, tako da ću se ja zadržati na posljednjem ovom od vijećnika Bečić Mirsada. Dakle, našim prostornim i planskim dokumentima predviđena je gradnja mosta tzv. Gvozdeni most na istom lokalitetu na kojem je bilo. Dakle, planirano je, nismo uspjeli bilo kakvu dokumentaciju isposlovati u smislu projekta, izrade projektnog rješenja. Što se tiče imovinskopravnih odnosa oni su riješeni. Dakle, onaj dio gdje se nalazi sad trenutno praonica na Loku, to je naše zemljište i ono će biti prevedeno na grad, kada bude most građen, dakle tu je jasno i nemamo apsolutno nikakvih problema, osim što nema projektne dokumentacije, s obzirom da nemamo sredstava da platimo izradu projektnih rješenja. To je kada je u pitanju taj lokalitet. Pitanje prostorija, dakle vi ste dobili u odgovoru na vijećnička pitanja, od jednog vijećnika sa prošle sjednice, dakle politički subjekti koji mogu dobiti kancelarije na korištenje su politički subjekti koji su na prethodni parlamentarnim izborima dobili statut političkog subjekta, a s obzirom da politički subjekt Narod i pravda nije dobio kao takav mandat, dakle tu postoji problem pravnog utemeljenja da se dodijeli takva kancelarija. Dakle parlamentarne partije koje prođu na izborima, one imaju pravo na prostor dok su u mandatu. Bio je tu slučaj čini mi se u prošlom sazivu koji nije imao tu neku kategoriju i nisu mogli dobiti prostorije. Ima još nekih političkih subjekata koji su dakle po tom osnovu bili uskraćeni za ostvarivanje prava. Evo toliko.

Odgovor: Admir Fojnica: Imam i ja odgovor s obzirom da se prvu pitanje ticalo predsjedavajućeg. Tačno, dakle juče je Zavidoviće posjetila delegacija ZE-DO kantona na čelu sa premijerkom i ministrima. Ja kao predsjedavajući nisam dobio nikakav poziv to je tačno, nikakvo obavještenje. I zaista sam juče doveden u jednu veoma, veoma nezgodnu i ružnu situaciju, jer sam morao lično da zovem premijerku, ministre, da se izvinem u svoje ime što nisam bio prisutan. I oni zaista ne mogu da vjeruju da predsjedavajući Gradskog vijeća nije bio upoznat, nije bio pozvan na jedan takav sastanak. Tako da s te strane zaista mi je žao što smo poslali jednu lošu sliku, ja se nadam da se ubuduće ovakva praksa neće ponoviti.

Odgovor: Gradonačelnik Hašim Mujanović: Ja se zaista izvinjavam, pitanje je bilo i na mjestu, ali evo nadam se da će i odgovor na ovom pitanje donekle biti prihvaćen. S obzirom da se radilo i o kratkom vremenu, a gradska služba je radila i određivala protokol te posjete, vjerujte da se gotovo do posljednjeg trenutka nije znalo ko će doći. Nije se znalo ni sastav delegacije, ni da li će uopšte doći, jer je taj sastanak planiran na nivou gradova, dakle oni obilaze gradove i općine i bilo je pitanje evo, mi smo odgađali taj sastanak, zbog Ramazana i nije se znalo kad. Ono što sam ja svakako predlagao sekretaru, donosno Nerminu Čahtareviću da u okviru te posjete pozove i predstavnike svih političkih partija, da pozove šefove klubova političkih partija koji egzistiraju u vijeću, međutim do juče vjerujte nismo znali da će doći. Dobit ćete svakako i odgovor, pa ćete vidjeti korespondencija, da je to bilo u vrlo kratkom vremenskom terminu. Naravno da nije bilo namjere da bilo koga zaobiđemo, štaviše posjeta je bilo korektna, normalna i evo ukoliko šta znači, izvinjavam se.

Odgovori na vijećnička pitanja postavljena na 12. sjednici Gradskog vijeća

Džinić Hamdo : Nisam, ali nema veze.

Kaknjašević Ferid: Na jedno nisam, na drugo mogu pojasniti. Dopunsko- sa odgovorm ove Službe za imovinsko pravne poslove sam zadovoljan. Međutim moje pitanje upućeno Službi za vodoprivredu, šumarstvo itd. Čini mi se da nisu korektni i mogu vam reći, osjećam se malo tu

u smislu omalovažavanja vijećnika. Da su oni rekli da oni nisu nadležni i da ne znaju ništa o tome. S toga ja sad upućujem dodatno pitanje, da oni, a ne mora vijećnik, mogu i oni zatražiti odgovore od Kantonalnog ministarstva šumarstva i vodoprivredu, ako oni hoće da rade svoj posao, ako neće onda ću morati ja preko našeg kantonalnog uposlenika, da vidimo ko ima pravo na eksploataciju šljunka. Ovo što je kolega Bečić postavio, to nije bezazleno pitanje, ljudi se koriste raznoraznim metodama, vi kad krenete, ako obratite pažnju, oni prvo tu istresu građevinski otpad, pa onda počnu nasipat, pa onda naprave jedan plac tu uz rijeku, pa onda tu polahko izvezu šljunak, prodaju, mi nemamo nikakve informacije. Vi ćete to priznati da je to tako. To se dešava. Malo obratite pažnju, pa ćete vidjeti. To je meni malo omalovažavanje vijećnika, ako treba ja ću tu informaciju, meni je načelnik i prošli puta odgovorio da na području Zavidovića nema niko za to dozvolu i vrlo je važna stvar ovdje da se razjasni ko ima dozvolu za tu eksploataciju, jer sad evo vidjet ćete u narednom periodu, sad je lijepo vrijeme, tih pojava masovno.

Mujkić Rasim odsutan

Polić Ajdin: Da

Hodžić Haris: Nisam

Imamović Armin: Da

Igor Šimšić: Da

Advičević Zahid: odsutan

Buljubašić Demir: NE

Skejić Šemsudin: Da, ali moram dopuniti. Dva pitanja, pomenuo sam ih na početku sjednice i ja sam zadovoljan s njima. Pogotovo sam zadovoljan stavom kolegija koji je na neki način prosljedio i dao zaključak da se na tome radi. Međutim, ja cu potpuno biti zadovoljan onog trenutka kada to dođe na sjednicu, a još zadovoljniji ako nam dođu gospoda iz Zavoda i pojasne i još najzadovoljniji ako krenemo u pravom smjeru da rješavamo te poslove. Dalke presjedavajući ovo je na neki način vama da to dođe na sjednicu kako je rečeno i da mi onda sve pripremimo, a materijale koje sam dao uz pitanje kao obrazloženje sad su dostavljeni, ali za jedno pitanje, a za drugo nisu dostavljeni, pa evo nek budu dostavljeni pred narednu sjednicu, bit će to otvorene oči ne neki način vijećnicima, jer mogu da pročitaju neke stvari, koje ja mislim da su takve, a vidjet ćemo.

Odgovor: Gradonačelnik: Hašim Mujanović: Dakle, ja sam i prošli puta kazao, da Grad Zavidovići nisu nadležni za bilo kakve koncesione ugovore, kada je u pitanju eksploatacija riječnog blaga. Mi smo shodno tome uputili dopis Kantonalnom ministarstvu za poljoprivredu, vodoprivredu i šumarstvo i dobili smo od njih onako vješto politički upakovan odgovor. Oni su nama citirali odredbe Zakona o vodama ZE-DO kantona i Zakona o vodama Federacije koji su kazali da smo mi nadležni, ali za šta, za čišćenje pruća, za neke druge stvari, ali ne za eksploataciju šljunka i iz tog razloga mislim da bi trebali svakako to pitanje postaviti njima, jer oni raspisuju javni poziv za zaključenje koncesionog ugovora za eksploataciju šljunka. Mislim da je sad svakako vrijeme da se to pitanje uputi njima, kantonalnom ministarstvu koje je jedino nadležno za eksploataciju

ZAPISNIK SAČINILA

Armina Bajrić

Armina Bajrić

OVJERAVA SEKRETAR
GRADSKOG VIJEĆA
Samira Pinjic, dipl. pravnik

Datum: 27.04.2023.godine

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđin. predsjedavajući

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju o broju slobodnih parcela u industrijskim/poslovnim zonama a koje su u vlasništvu Grada Zavidovići ?

Obrazloženje:

U prethodnim godinama u nekoliko navrata investitori koji su iskazali interes za otvaranje proizvodnje na području naše općine, nisu uspjeli instalirati pogone na području poslovnih zona grada Zavidovići, te su svoju proizvodnju prebacili u susjedne lokalne samouprave otvarajući nova radna mjesta u drugim općinama.

Direktno pitanje:

Molim nadležnu službu da nam dostavi informaciju da li u industrijskim zonama imamo parcela koje se još uvijek vode u našem vlasništvu te ukoliko je pozitivan odgovor, tražim da nam se dostavi informacija koje su parcele u pitanju sa tačnim katastarskim oznakama i veličinama ?

Također, ukoliko je pozitivan odgovor, molim nadležnu službu za informaciju da li su iste parcele nudene investitorima koji u prethodnim godinama iskazivali interes za pokretanje proizvodnje na području općine Zavidovići, kao dostupno zemljište za instalaciju pogona ?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,



Vijećnik SDP BiH

[Signature]
Haris Hodžić, dipl.oec

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzavici@bih.net.ba

www.sdp.ba
facebook.com/sdpbih
facebook.com/sdpbihzavidovici

Datum: 27.04.2023. godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđin. predsjedavajući****Predmet:** VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od Gradskog pravobranilaštva Zavidovići da nam dostavi informaciju na osnovu koje saglasnosti je gradski pravobranilac izvršio zaključenje Sporazuma o nagodbi br. 7/21 od 13.01.2023. godine ?

Obrazloženje:

13.01.2023. godine gradski pravobranilac potpisao je Sporazum o nagodbi br. 7/21 bez prethodnog odobrenja i saglasnosti od strane Gradskog vijeća Zavidovići i Gradonačelnika kršeći time Zakona o građevinskom zemljištu FBiH, Zakon o stvarnim pravima FBiH, te odredbe Statuta Općine Zavidovići.

Direktno pitanje:

Molim službu gradskog pravobranilaštva da nam dostavi izjašnjenje da li su imali prethodnu saglasnost i odobrenje za potpisivanje ugovara, zašto o ovom događaju nisu izvijestili i upoznali Gradsko vijeće Zavidovići i da li su svjesni da su ovakvim činom učinili krivično djelo ?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,



Vijećnik SDP BiH

Haris Hodžić, dipl.oec

Općinska organizacija SDP BiH Zavidovići Општинска организација СДП БиХ ЗавидовићиSekretarijat: **Adresa:** dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina**Tel:** +387 (0) 32 879-040
Fax: +387 (0) 32 879-040
E-mail: sdpzdici@bih.net.bawww.sdp.ba
facebook.com/sdpbih
facebook.com/sdpbihzavidovici

Datum: 27.04.2023.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđin. predsjedavajući**

Predmet: VIJEĆNIČKO PITANJE, dostavlja se


Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju ko su bili prethodni vlasnici nekretnina 731/2; 732/2, 734/1 i 734/2 k.o. Zavidovići, te kada je izvršen upis i prijenos vlasništva na nove/trenutne korisnike i vlasnike gore pomenutih nekretnina, te po kojoj cijeni je realizovana kupovina/zaključen ugovor za gore navedene parcele?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,




Vijećnik SDP BiH
Haris Hodžić, dipl.oec

Općinska organizacija SDP BiH Zavidovići Општинска организација СДП БиХ Завидовићи

Sekretarijat Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdki@bih.net.ba

www.sdp.ba
facebook.com/sdpbih
facebook.com/sdpbihzavidovici

Datum: 27.04.2023.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđin. predsjedavajući****Predmet: VIJEĆNIČKO PITANJE, dostavlja se**

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju da li su parcele 1695/4, 1695/5, 1695/6 k.o. Zavidovići u vlasništvu DRSV R. SAVE VOD.POD.SLIV pod zakupom drugih pravnih i fizičkih lica i ako jesu dostaviti informaciju do kada traju ugovori o zakupu kao i kopije istih?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem,



Vijećnik SDP BiH

Haris Hodžić
Haris Hodžić, dipl.oec

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzavici@bih.net.ba

www.sdp.ba
facebook.com/sdpbih
facebook.com/sdpbihzavidovici



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

Klub vijećnika Stranke demokratske akcije

Datum: 26.04.2023.

Broj: 11/2023

GRADSKO VIJEĆE - n/r predsjedavajućeg GV-a - ZAVIDOVIĆI

PREDMET: Inicijativa za dodjelu prostorije/kancelarije broj 40. u zgradi zvana "Stara općina"
Udruženju osoba sa invaliditetom Grada Zavidovići.

Na osnovu člana 109. Poslovnika o radu Gradskog vijeća Zavidovići, podnosimo inicijativu za dodjelu prostorije/kancelarije broj 40. u zgradi zvana "Stara općina" Udruženju osoba sa invaliditetom Grada Zavidovići.

O b r a z l o ž e n j e

Udruženje osoba sa invaliditetom Grada Zavidovići podnijelo je samostalno inicijativu prema Gradskom vijeću za dodjelu prostorije u zgradi zvana "Stara općina", koja se ni nakon nekoliko mjeseci nije našla na dnevnom redu sjednice vijeća, zbog date informacije da u pomenutoj zgradi nema praznih prostorija. Nakon dostavljenih odgovora na vijećnička pitanja, u tabelarnom prikazu koji nam je služba uputila vidljivo je da u predmetnoj zgradi imaju prazne prostorije. Shodno navedenom, pokrećem inicijativu da se Udruženju dodjeli kancelarija broj 40., površine 21,00 m² na korištenje. Udruženje u posljednje vrijeme radi intenzivno te u svom posjedu imaju medicinska pomagala, neophodna osobama sa invaliditetom, kao i pakete pomoći koje je potrebno lagerovati.

Zavidovići, 26.04.2023. godine

VIJEĆNIK SDA U GV ZAVIDOVIĆI


Amer Avdičević



Grad Zavidovići

Predsjedavajućem GV Zavidovići

Predmet: vijećničko pitanje,

dostavlja se.

Na osnovu člana 8. i člana 166. Poslovnika o radu Gradskog vijeća Zavidovići podnosim vijećničko pitanje koje glasi:

Svjedoci smo svakodnevnog nasipanja desne obale rijeke Bosne i izgradnji objekata na istoj, te od nadležne službe tražim odgovor na pitanje, da li je planirana izgradnja mosta na lokalitetu Gvozdeni most, koji bi povezivao ul. Zlatnih ljiljana i ul. Viniski put i Podubravlje, da li je predviđeno planskim dokumentima, ako jeste da li imamo pripremljenu projektnu dokumentaciju i potrebne saglasnosti, dozvole, riješene imovinske odnose.

Tražim da mi se odgovor saopšti usmeno ili pisanim putem.

Vijećnik PDA:

Mirsad Bečić



**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI**

GRADSKO VIJEĆE ZAVIDOVIĆI

**n/r Predsjedavajući Gradskog vijeća Zavidovići
gosp. Admir Fojnica**

Dana, 27.04.2023.godine

U skladu sa Članom 109. Poslovnika o radu Gradskog vijeća Zavidovići, I u skladu sa Zakonom o komunalnim djelatnostima ZDK (Sl.novine ZDK, broj 17/2008) pokrećem:

Inicijativu za formiranje **Javnog komunalnog preduzeća "Grijanje" d.o.o. Zavidovići**, koje bi djelovalo na području grada Zavidovići, a čiji bi osnivač bilo Gradsko vijeće Zavidovići, po uzoru na JKP "Radnik" d.o.o. Zavidovići.

Obrazloženje:

Postojeće komunalno preduzeće JKP "Radnik" d.o.o. Zavidovići, pored ostalih djelatnosti kojima se bavi, bavi se i djelatnosti grijanja na području grada Zavidovići, i to u užem gradskom području. Prema podacima koje smo dobijali, a koje i dalje dobijamo od svih relevantnih faktora koji zastupaju ovo preduzeće, može se zaključiti da veliki problem ovom preduzeću predstavlja proces grijanja, zbog čega se vrlo teško održava postojeći sistem grijanja. Nema investiranja niti investicionih planova, koji bi proces grijanja podigli na viši nivo, jer je preduzeće okupirano problemom pozitivnog poslovanja, Investiciono održavanje ovog procesa je odavno zaustavljeno, i čeka se da se postojeći sistem grijanja sam po sebi ugasi.

Buduće preduzeće bi se izdvojilo iz JKP "Radnik" d.o.o. Zavidovići, i preuzelo bi sve radnike i sredstva rada, koji su povezani sa procesom grijanja. Za početak bi koristili zajedničke prostorije postojećeg komunalnog preduzeća, a finansiranje njihovog rada u početnom period bi preuzelo Gradsko vijeće, dok se ne riješi problem njegovog trajnog zbrinjavanja.

Prihodi od postojećih članova koji koriste grijanje usmjerili bi se na novoformirano komunalno preduzeće.

Osnivanje novog komunalnog preduzeća imalo bi svoje prednosti, a to su:

1. Rasteretili bi postojeće komunalno preduzeće "Radnik" procesom koji za njih predstavlja i finansijski i tehnički problem. Oni bi se usmjerili na ostale procese koji vode, a koji im daju bolje finansijske efekte. Ovim potezom JKP "Radnik" bi dobio preduslove da postane samodrživo preduzeće.
2. Podigli bi održavanje postojećeg sistema grijanja na viši nivo, i spriječili bi smanjenje postojećeg broja korisnika i gašenje trenutnog sistema grijanja u gradu
3. Novoformirano preduzeće "Grijanje" bi moglo da započne proces sistemskog rješavanja problema grijanja grada, za već uspostavljeni sistem grijanja postojećih korisnika
4. Stvorile bi se pretpostavke da se ide u razvoj sistema grijanja i mimo postojećih korisnika, tj stvorile bi se pretpostavke za ozbiljnije investiranje u ovu oblast i povećanje broja korisnika.

Novoformirano preduzeće bi trebalo da počne sa radom u 2024.godini, prije početka sezone grijanja. Osnivanje i finansijsku pomoć preduzeću obezbijediti kroz Budžet 2024.godine, a sve administrativne pripreme obaviti u toku 2023.godine.

Samostalni vijećnik

Šemso Febrić



**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI**

GRADSKO VIJEĆE ZAVIDOVIĆI

**n/r Predsjedavajući Gradskog vijeća Zavidovići
gosp. Admir Fojnica**

Dana, 27.04.2023.godine

U skladu sa Članom 109. Poslovnika o radu Gradskog vijeća Zavidovići pokrećem:

Inicijativu za dodjelu jednokratne finansijske pomoći u iznosu od 100 KM, svakom maturantu na području općine Zavidovići koji završava srednje obrazovanje u školskoj 2022/23 godini.

Obrazloženje:

U cilju finansijske potpore maturantima za izradu matorskog rada predlažem da svaki maturant, bez obzira u kojoj školi završava srednje obrazovanje, a koji ima prijavu prebivališta na području grada Zavidovići, dobije finansijsku pomoć od 100 KM.


Isplatu sredstava obaviti na osnovu priložene potvrde o prebivalištu i na osnovu potvrde izdate od strane srednje škole da isti završava srednje obrazovanje u školskoj 2022/23 godini.

Prema informacijama sa kojima raspolazem, na području grada Zavidovići u školskoj 2022/23 godini ima oko 300 maturanata. Dakle, riječ je o sredstvima u iznosu cca 30.000 KM.

Isplatu izvršiti sa transfera:

6142431 Transfer za subvenciju troškova prevoza učenika srednjih škola koji koriste javni prevoz (300

**Samostalni vijećnik
Šemso Fehrić**



Gradski vijećnik
Ajdin Polić
Ul. Enesa Kalabića bb
72220 Zavidovići
062 755 269

GRAD ZAVIDOVIĆI
GRADSKO VIJEĆE ZAVIDOVIĆI
n/r PREDSEDavajući GRADSKOG VIJEĆA
gosp. Admir Fojnica

PREDMET: Vijećničko pitanje , dostavlja se

Poštovani,


U skladu članom 8., 87., Poslovnika o radu Općinskog vijeća Zavidovići, postavljam vijećničko pitanje:

Federalno Ministarstvo Kulture i Sporta, 8 aprila 2023 godine objavilo je javni poziv za za odabir programa i projekata koji će se sufinancirati iz Proračuna Federacije Bosne i Hercegovine u 2023. godini, odnosno iz Trasfera za sport od značaja za Federaciju 2023. Uz javni poziv objavljena je tabela korisnika koji nemaju pravo aplicirati na javni poziv, a pod rednim brojem 37. nalazi se Općina Zavidovići.

Pitanje upućujem nadležnoj službi, tražim informaciju o podnesenom projektnom prijedlogu i iz kojeg razloga se Općina/Grad nalazi na toj listi?

Odgovor zahtijevam pisanim putem od nadležne službe.

Datum: 27/04/2023



Ajdin Polić, BSc Econ

Datum: 05.04.2023. god.

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r Prof. Admir Fojnica, predsjedavajući**1. Predmet: vijećnička inicijativa**

Na osnovu člana 8. te člana 87. poslovnika o radu Gradskog vijeća Zavidovići upućujem vijećničku inicijativu naslovljenu na -Službu za upravu geodetskih, imovinsko-pravnih poslova i urbanizma- za izradu interaktivne mape kojom se omogućuje praćenje prodaje nekretnina u vlasništvu grada, praćenje izdavanja i kretanja dozvola za građenje.

Mapa bi bila dostupna na internet stranici Grada i gradske službe.


Inicijativu podnosim u cilju dostupnosti građanima gore navedenih informacija, te blagovremenog prijavljivanja nelegalnih radnji i postupaka, a s tim u vezi i promptniju reakciju gradskog pravobranilaštva i inspekcija.

Sredstva obezbijediti u okviru rada i djelatnosti navedene službe.

2. Predmet: vijećničko pitanje.

Na osnovu člana 8. te člana 87. poslovnika o radu Gradskog vijeća Zavidovići upućujem vijećničko pitanje – Službama Grada zašto je zaustavljeno numerisanje stambenih i poslovnih objekata u gradu i kada se isto planira nastaviti?

VIJEĆNIK:



Ferid Kaknjašević

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr. Pinkasa Banta bb

Tel: +387 (0) 32 879-040

www.sdp.ba(zgrada „Stare općine“)
72220 ZavidovićiFax: +387 (0) 32 879-040
E-mail: sdpzdici@bih.net.bafacebook.com/sdpbihfacebook.com/sdpbihzavidovici

Bosna i Hercegovina

VIJEĆNIČKO PITANJE ZA GRADSKO PRAVOBRANILAŠTVO
GRADA ZAVIDOVIĆA

Kao vijećnici i građani ovog grada upoznati ste sa problematikom oko imovine i statusom bivših radnika IP KRIVAJA d.o.o. u stečaju i Privrednog društva "Krivaja-Mobel" d.o.o. Zavidovići u stečaju a što je jedan od gorućih problema u gradu i što bi svakako trebalo biti u fokusu vaše pažnje jer kao prvo radi se o velikom broju građana grada-bivših uposlika navedenih firmi koji su bukvalno ostali na ulici, obespravljeni i poniženi a u pitanju je velika vrijednost imovine-nekretnina koje se nalaze u vlasništvu IP KRIVAJA d.o.o. u stečaju a koja je bez ikakve naknade prešla u vlasništvo tkz ortačke grupe, to jest firmi „Marić Žepče“ d.o.o. Žepče, "Makro drvo" d.o.o. Žepče, Prograd" proizvodnja, građevinarstvo i trgovina d.o.o. Žepče, i Privredno društvo „Fedis“ d.o.o. Zavidovići.

Tačna je činjenica da je IP KRIVAJA d.o.o. u stečaju vlasništvo Federacije Bosne i Hercegovine, ali ne smije se zanemariti koliki značaj Krivaja i njeni resursi, nekretnine imaju značaj za ovaj grad a o ljudskom faktoru, to jest njenim bivšim obespravljenim radnicima suvišno je i govoriti jer su gotovo svi upoznati sa njihovim problemima.

Trebalo bi da vam, kao najvišem organu vlasti u ovom gradu, bude poznata činjenica da se pred općinskim sudom u Zenici vodi nekoliko postupaka zbog naprijed navedenih činjenica, ali gradske vlasti nisu pokazale gotovo nikakav interes za to.

Pošto su nadležni gradski organi upoznati sa činjenicom, odnosno trebali bi da budu upoznati, jer im je to interes i obaveza, da je nad IP KRIVAJA d.o.o. u stečaju izvršena revizija privatizacije, a na zahtjev Vlade FBiH, te je dana **05.10.2021** godine, **IP KRIVAJA d.o.o. u stečaju zaprimila Izvještaj o obavljenoj reviziji pretvorbe i privatizacije Industrijskog Preduzeća Krivaja Zavidovići d.o.o. u stečaju, (u daljem tekstu: Izvještaj)** sačinjen od strane Agencije za reviziju privatizacije u FBiH, ovlaštenih revizora: Mr.sc. Adalete Kurtović, dipl.oec, Mr.sc. Alihodžić Advije, dipl. oec, Elizabete Kraljević, dipl.oec., Avdagić Emira, dipl.iur., Hrvat Minete, dipl.iur., i Selme Hodžić, dipl. iur., broj 02-15-1-334-56/21 od dana 29.09.2021 godine i Rješenje o izvršenoj reviziji pretvorbe i privatizacije Industrijskog Preduzeća Krivaja Zavidovići d.o.o. u stečaju, donešeno od strane Agencije za reviziju privatizacije u FBiH, donešeno od strane direktora Agencije za privatizaciju FBiH, broj 01-02-1-333-5/21 od dana 29.09.2021 godine, Izvještaj o obavljenoj reviziji pretvorbe i privatizacije IndustrijskogPreduzeća Krivaja Zavidovići d.o.o. u stečaju broj 02-15-1-334-56/21 od dana 29.09.2021 godine.

Navedeni Izvještaj je sačinjen u periodu od 25.05.2021 godine do 31.08.2021 godine, na osnovu neposrednog uvida u cjelokupnu relevantnu dokumentaciju Krivaja Zavidovići d.o.o. u stečaju i u skladu sa odredbama Zakona o reviziji privatizacije državnog kapitala u privrednim društvima i bankama (Sl. novine FBiH br 55/12) i Zakona o reviziji institucija u Federaciji Bosne i Hercegovine (Sl. novine FBiH br 22/06) i u

skladu sa revizorskim standardima Međunarodne organizacije vrhovnih revizorskih institucija - INTOSAI (Sl. novine FBiH br 30/11, I 62/14) I Etičkim kodeksom profesionalne etike revizora.

U Izvještaju o obavljenoj reviziji pretvorbe i privatizacije Industrijskog Preduzeća Krivaja Zavidovići d.o.o. u stečaju, sačinjen od strane Agencije za reviziju privatizacije u FBiH, u poglavlju 9. OCJENA POSTUPKA PRETVORBE I PRIVATIZACIJE, tačka 9.2. podnaslov: " Revizijom je utvrđeno i bez kvalifikacije mišljenja , ističemo sljedeće " , u tekstu na stranicama 391, 392 i do 393, NAGLAŠENE SU sljedeće činjenice:

- Da kupoprodajna cijena po osnovu Ugovora broj OPU-IP 297/2014 od dana 24.09.2014 godine sa Aneksom 1 broj : OPU-IP 144/2015 od 18.05.2015 godine i Ispravkom ugovora broj : 297/2014 od 24.09.2014 godine zaključenom dana 27.10.2015 godine (TO SU UGOVORI PO KOJIMA JE PRODATA IMOVINA KRIVAJE) nije isplaćena na način i po uslovima utvrđenim naprijed navedenim ugovorima, te da nisu ispoštovane obaveze tuženih u pogledu zapošljavanja 800 radnika

-Da postoje činjenice koje osnovano potvrđuju da je Ugovora broj OPU-IP 297/2014 od dana 24.09.2014 godine sa Aneksom 1 broj : OPU-IP 144/2015 od 18.05.2015 godine, pa samiom time i Ugovor o preuzimanju i reprogramu kreditnih obaveza broj 3079-VIII/15 FZK-12-2-2418-VIII/15 od 03.03.2015 godine i Aneksa 1, ništavan, da je zaključenjem naprijed navedenih ugovora postupano protiv odredbi člana 134 i 135 Zakona o stečajnom postupku FBiH (" Službene novine FBiH " br. 29/2003, 32/2004, 42/2006 i 4/2017)

Navodi revizorskog Izvještaja ukazuju da su kupci imovine, TKZ. ORTAČKA GRUPA nisu imali zaključen ugovor o ortakluku, te su Ugovorom prodaji nekretnina i pokretnih stvari broj OPU-IP: 297/2014 od 24.09.2014. godine bili dužni uplatiti prodavcu, tužitelju iznos od 8.700.000,00 KM, a ne na način kako je definisano članom 1. Anexa I ugovora o prodaji nekretnina i pokretnih stvari broj OPU-IP: 297/2014 od 24.09.2014. godine pod brojem OPU-IP: 144/2015 od 18.05.2015 godine, te da isplatu kupoprodajne cijene nije nikako moglo preuzeti njihovo novoosnovano društvo, KRIVAJA MOBEL d.o.o. Zavidovići, te da se kupoprodajna cijena mogla namiriti samo uplatom u novcu, kako bi se iz isplaćene cijene mogli namiriti svi stečajni povjerioci, odnosno povjerioci stečajne mase .

Navodi izvještaja ukazuju da se Ugovor o preuzimanju i reprogramu kreditnih obaveza broj 3079-VIII/15 FZK-12-2-2418-VIII/15 od 03.03.2015 godine i Aneksa 1, ne može nikako smatrati Ugovorom o preuzimanju duga, jer KRIVAJA niti je obavještена niti je dala svoju saglasnost za zaključenje , slijedom čega je suprotan članu 446. Zakona o obligacionim odnosima FBiH, pa samim tim i ništavan i ne može proizvesti pravne posljedice. Dalje, cijeneći navode Izvještaja proizilazi da su TKZ. ORTAČKA GRUPA postupali suprotno načelima savjesnosti i poštenja, jer su zaključivanjem Ugovora o preuzimanju i reprogramu doveli u zabludu Odbor povjeritelja IP KRIVAJA na način da oni budu u ubjeđenju da je tako isplaćena kupoprodajna cijena.

Revizorski izvještaj je dostavljen nadležnim tužilaštvima , federalnom i kantonalnom pravobranilaštvu koji su svako iz okvira svojih nadležnosti trebali da preuzmu određene mjere vezane za navode Izvještaja.

Dana 09.06.2022 godine, IP KRIVAJA d.o.o. u stečaju je Zahtjevom pod brojem SU: 358/2022 a koji je Razvojna banka FBiH zaprimila dana 10.06.2022 godine, tražila od Razvojne banke podatke koliko je po Ugovora o preuzimanju i reprogramu kreditnih obaveza broj 3079-VIII/15 FZK-12-2-2418-VIII/15 od 03.03.2015 godine i Aneksa 1, Ugovora o preuzimanju i reprogramu kreditnih obaveza od 03.03.2015 broj 3079-VIII/15 FZK-12-2-2418-VIII/15, od 16.03.2015 godine od strane ortačke grupe otplaćeno kreditnih obaveza i to glavnica, redovne kamate i sudske takse, Razvojnoj banci Federacije Bosne i Hercegovine, koliko je ostalo neizmirenih obaveza, da li je obaveza tuženih u cjelosti ispoštovana, budući da je prema otplatnom planu zadnja rata (osamdesetičetvrta) dospjela sa danom 03.03.2022 godine.

Dana 15.06.2022 godine, IP KRIVAJA d.o.o. u stečaju je od Razvojne banke FBiH zaprimila Dopis pod nazivom „Odgovor na dopis Stečajnog upravitelja IP Krivaja d.o.o. Zavidovići u stečaju broj: SU-358/22 od 09.06.2022 godine „ broj: 7207-IX/22 od dana 13.06.2022 godine u kojem se navodi da Društvo Krivaja Mobil d.o.o. Zavidovići nije imalo uplata po glavnici kredita i da su evidentirane uplate po osnovu redovne kamate u ukupnom iznosu od 65.950,92 KM. Stanje obaveza Društva Krivaja Mobil d.o.o. Zavidovići na dan 13.06.2022 godine iznosi: glavnica - iznos od 6.577.071,94 KM; redovna kamata – iznos od 143.794,63 KM; sudske takse – iznos od 82.647,00 KM.
Slijedom naprijed navedenog nedvosmisleno proizilazi da :

- Da kupoprodajna cijena po osnovu Ugovora broj OPU-IP 297/2014 od dana 24.09.2014 godine sa Aneksom 1 broj : OPU-IP 144/2015 od 18.05.2015 godine i Ispravkom ugovora broj : 297/2014 od 24.09.2014 godine zaključenom dana 27.10.2015 godine nije isplaćena na način i po uslovima utvrđenim Ugovorom broj OPU-IP 297/2014 od dana 24.09.2014 godine sa Aneksom 1 broj : OPU-IP 144/2015 od 18.05.2015 godine, Ispravkom ugovora broj : 297/2014 od 24.09.2014 godine ,Ugovorom o preuzimanju i reprogramu kreditnih obaveza broj 3079-VIII/15 FZK-12-2-2418-VIII/15 od 03.03.2015 godine i Aneksa 1, Ugovora o preuzimanju i reprogramu kreditnih obaveza od 03.03.2015 broj 3079-VIII/15 FZK-12-2-2418-VIII/15, od 16.03.2015 godine

Sve ove navedene činjenice bi trebale da budu u fokusu interesovanja nadležnih gradskih vlasti i nikako se nećemo **ZADOVOLJITI ODGOVOROM DA NISU NADLEŽNI, JER KRIVAJA JE U VLASNIŠTVU FEDERACIJE, TAKAV ODGOVOR NE SMIJE BITI IZGOVOR ZA NEODGOVORNO PONAŠANJE VLASTI ZA PROBLEME KAKO KRIVAJE TAKO I ZA BIVŠE UPOSLENIKE !**

Slijedom naprijed navedenog **ZAHTIJEVAMO** da se na sjednici gradskog vijeća uvrsti u dnevni red vijećničko pitanje koje se odnosi na sljedeće:

- Da li gradske vlasti imaju dovoljno informacija o naprijed navedenim činjenicama, ako nemaju, zašto nemaju, odnosno zbog čega ih to ne interesuje ?
- Da li su gradske vlasti išta preduzele ili da li će išta preduzeti vezano za naprijed navedeno, da li će se naći način da kao interesna strana i grad u kojem se nalazi IP KRIVAJA preduzmu određene pravne korake da budu aktivni nosioci pravnih i drugih radnji vezanih za povrat imovine ?

Ponavljamo , radi se o imovini velike vrijednosti, radi se o obespravljenim radnicima i gradska vlast ne smije se oglušiti o ovo te zahtijevamo da se očitujete o konkretnim mjerama koje ćete poduzeti jer tražimo i imamo pravo da od vas to tražimo!

PRILOG: - kopija dijela Izvještaja o obavljenoj reviziji pretvorbe i privatizacije Industrijskog Preduzeća Krivaja

PREDSTAVNICI BIVŠIH RADNIKA IP KRIVAJA doo u stečaju

potrebe novoosnovanog društva, istu nije izmirivala u roku i na način kako je to predviđeno Ugovorom o zajedničkom ulaganju, u čemu se također ogleda odgovornost Vlade F BiH za neispunjenje obaveza preuzetih pomenutim ugovorom, a što je za posljedicu imalo i raskid navedenog Ugovora i Anexa. (Izveštaj str. 323-368).

Značajno je napomenuti da je Ugovor o zajedničkom ulaganju od 24.09.2008. godine i Anex od 29.09.2010. godine raskinut tek Presudom Općinskog suda u Sarajevu br. 65 0 Ps 210110 20 Ps 3 od 18.01.2021. godine. Ovoj reviziji nije poznato da li je prvostepena presuda postala pravosnažna. U međuvremenu od dana potpisivanja predmetnog ugovora i anexa, pa do njihovog raskida prošlo više od 12 godina, u kojem periodu je nad IP „Krivaja“ d.o.o. Zavidovići otvoren stečaj koji još uvijek nije okončan, „Krivaja 1884“ d.o.o. Zavidovići i PD „Krivaja“ d.o.o. Zavidovići su osnovane i brisane iz sudskog registra, a u stečajnom postupku je od strane ortačke grupe kupljena imovina IP „Krivaja“ d.o.o. Zavidovići, po osnovu koje je 2014. godine osnovana „Krivaja Mobil“ d.o.o. Zavidovići, a nad kojom je 2016. godine također otvoren stečajni postupak koji još uvijek traje. (Izveštaj str. 344 – 389)

Ugovor o osnivanju nije tretirao mogućnost neuspjelog osnivanja, a postojala su saznanja koja su potpisnice Ugovora znale ili morale znati u trenutku zaključenja istog, da postoji mogućnost da će registracija novoosnovanog društva biti osporavana žalbama zaposlenika koji su i prije osnivanja Krivaja 1884 d.o.o. Zavidovići imali pravosnažne presude za naplatu svojih potraživanja.

Društvo Krivaja 1884 d.o.o. Zavidovići, odnosno PD Krivaja d.o.o. Zavidovići je počelo sa poslovanjem od prve registracije, iako rješenje o registraciji istog nikada nije postalo pravosnažno, iako je postojalo saznanje da se na rješenje o registraciji ulažu žalbe od strane zaposlenika. U toku poslovanja u periodu 01.12.2008. godine do 06.08.2011. godine, društvo je ostvarivalo i prihode i rashode. Za pomenute godine društvo nije sačinjavalo finansijske izvještaje, niti je iste predavalo na ovjeru AFIP-u (FIA). Navedeno upućuje na činjenicu da osnivači Vlada Federacije BiH i Ferimpex d.o.o. Zavidovići kao osnivači Krivaja 1884 d.o.o. Zavidovići, nisu imenovali Nadzorni odbor, niti je postojalo nadležno tijelo koje je usvajalo finansijske izvještaje i nadziralo rad ovog društva. Ovdje pogotovo ističemo da je na navedenom trebala insistirati Vlada F BiH, kako bi zaštitila svoj kapital, jer je Ferimpex d.o.o. Zavidovići, kao većinski vlasnik već imao dominaciju u upravljanju društvom, putem svog direktora. Nastale, a neizmirene obaveze iz poslovanja „Krivaje 1884“ d.o.o. Zavidovići, njenim brisanjem iz registra, onemogućile su povjerioce da iste naplate. Ova revizija je mišljenja, a s obzirom da su postojale i informacije, a i postupci koji su onemogućavali registraciju društva, da isto nije trebalo počinjati sa radom, te da se na isto nije trebala prenositi imovina/kapital, već prvu registraciju uraditi sa upisanim a ne uplaćenim kapitalom, sve do pravosnažnog rješenja o registraciji.

***Revizijom je utvrđeno i bez kvalifikacije mišljenja, ističemo slijedeće:

- Preduzeće je konstantno primalo u radni odnos nove zaposlenike, sve do 2008. godine, a konstantno nije moglo izmirivati ukupne kratkoročne obaveze iz kratkoročnih sredstava, niti je realno postojao obim proizvodnje koji bi zahtijevao angažovanje tolikog broja radnika.
- Pokušaj velike privatizacije u 2007. godini nije uspio iz razloga postojanja nagomilanih obaveza društva, a prvenstveno obaveza po osnovu pravosnažnih sudskih presuda u korist radnika, za razliku plaća po kolektivnom ugovoru, koje su iznosile 57.486.777,92 KM.
- Dana 11.07.2011. godine otvoren je stečaj nad IP „Krivaja“ d.o.o. Zavidovići, a na osnovu izvršne isprave. Uvidom u dokumentaciju vezanu za stečajni postupak, u toku revizije privatizacije, utvrđeno je da u dokumentaciji ne postoji stečajni plan, odnosno plan konsolidacije društva. Otvaranjem stečajnog postupka nastale su pravne posljedice i statusna promjena koja nalaže da se danom prije nastanka stečaja moraju zaključiti poslovne knjige u IP „Krivaja“ d.o.o. Zavidovići i sačiniti bilans stanja i bilans uspjeha na dan otvaranja stečaja, a otvoriti nove poslovne knjige u IP „Krivaja“ d.o.o. Zavidovići – u stečaju odnosno evidentirati početni bilans na novo društvo. Obračun za period 01.01.2011. do 31.12.2011. godine urađen je kao da stečajni postupak nije ni otvoren. Na dan pravosnažnosti rješenja o otvaranju stečajnog postupka nije izvršen popis cjelokupne imovine društva, već je prvi popis urađen po godišnjem obračunu za 2011. godinu, odnosno nakon otvaranja stečajnog postupka. Osim toga, Nadzorni odbor IP „Krivaja“ d.o.o. Zavidovići, dana 28.07.2011. godine, uprkos činjenici da je 11.07.2011. godine otvoren stečajni postupak nad IP „Krivaja“ d.o.o. Zavidovići donosi Odluku br. NO-II-2/11, kojom imenuje vršioca dužnosti direktora društva. Ugovor o položaju, ovlaštenjima, odgovornostima i pravima menadžera društva br. SU 27/12 od 27.01.2012. godine, koji je sačinjen na osnovu prethodne odluke, potpisao je v.d. direktor i stečajni upravitelj IP „Krivaja“ d.o.o. Zavidovići – u stečaju.
Shodno odredbama člana 3. Zakona o stečajnom postupku organi stečajnog postupka su: stečajni sud, stečajni sudija, privremeni stečajni upravnik, stečajni upravnik, skupština povjerilaca, privremeni odbor povjerilaca i odbor povjerilaca. Članom 51. istog Zakona regulisano je da otvaranjem stečajnog postupka prava stečajnog dužnika da upravlja i raspoláže imovinom koja pripada stečajnoj masi, kao i prava organa, prokuriste, zastupnika i punomoćnika stečajnog dužnika prelaze na stečajnog upravnika. Slijedom naprijed izloženog, smatramo da je odluka o imenovanju v.d. direktora društva, te po osnovu iste potpisani Ugovor, sačinjen bez valjane pravne osnove.
Smatramo da je na ovakav način uvedena „kriza upravljanja“ u ovom privrednom društvu.
- U poslovnim knjigama IP „Krivaja“ d.o.o. Zavidovići u stečaju, na dan 31.12.2011. godine iskazana su nematerijalna sredstva u iznosu od 50.000,00 KM, a odnose se na osnivački ulog IP „Krivaja“ d.o.o. Zavidovići u firmi „Krivaja-Holz“ GmbH Njemačka. Dana 26.09.2009. godine „Krivaja-Holz“ GmbH Njemačka je obavijestila

„Krivaju 1884“ d.o.o. Zavidovići da je pokrenut stečajni postupak nad imovinom „Krivaja-Holz“ GmbH Njemačka.

- U toku 2012. godine stalna materijalna sredstva su smanjena za 95.255.530,00 KM i to na osnovu procjene sudskog vještaka, a po odluci stečajnog upravnika, vrijednost zemljišta je uvećana za 3.514.540,00 KM, vrijednost opreme je uvećana za 3.324.001,00 KM, a vrijednost objekata je smanjena za 108.247.720,00 KM, a ostale promjene se odnose na amortizaciju i nabavku stalnih sredstava.
- Na dan pravosnažnosti rješenja o pokretanju stečajnog postupka imalo je potraživanje po osnovu prodaje u ukupnom iznosu od 17.344.245,00 KM, a od toga sumnjivih i spornih potraživanja 14.204.606, te je izvršena kompletna ispravka sumnjivih i spornih potraživanja. U navedenom iznosu uključen je otpis potraživanja od 13.508.707,66 KM od „Krivaja Beechbrook“ USA, a koja je bila osnovana od strane IP „Krivaja“ d.o.o. Zavidovići. Navedena potraživanja „Krivaja“ d.o.o. Zavidovići od firme čiji je osnivač nije naplatila niti je ista utužila, kao ni ostala potraživanja koja su otpisana.
- Potraživanja od kupaca u inostranstvu na dan otvaranja stečajnog postupka iznosila su 392.893,00 KM i datirala su iz 2008. godine, te ista nisu bila utužena.
- Od pravosnažnosti stečajnog postupka, odnosno 10.11.2011. godine pa do polovine 2014. godine, društvo je samo za upotrebu sopstvenih vozila ostvarilo rashode od 137.402,00 KM, mada je isto posjedovalo putničke automobile. U tom istom periodu učešće troškova zaposlenih u ukupnim troškovima iznosi 49,5%.
- Društvo kontinuirano potpisuje ugovore o djelu sa trećim licima sve do 2020. godine, mada kako smo ranije napomenuli, ni postojeći zaposlenici nisu bili dovoljno iskorišteni, te je tako samo u periodu od otvaranja stečaja do polovine 2014. godine utrošeno 224.402,00 KM, dok je u 2020. godini u neto iznosu od 49.040,00 KM.
- U toku stečajnog postupka Društvo se po Odbrenju privremenog odbora povjerilaca Broj: 11/12 od 17.04.2012. godine, saglasnošću stečajnog sudije i Vlade FBiH broj:08-S 3184/11 od 27.12.2011. godine, zadužilo za 6.000.000 KM dugoročnog kredita kod Razvojne banke FBiH po Ugovoru broj: FZK-12-1-4444-VIII/12 od 18.04.2012. godine. Kredit je bio namijenjen za finansiranje održavanja zaposlenosti u IP „Krivaja“ Zavidovići d.o.o. u stečaju (800 radnih mjesta) sa podračuna namjenskog depozita Federalnog Zavoda za zapošljavanje. Kredit je doznačen Društvu u četiri tranše, a o utrošku dobivenih sredstava obavješten je Federalni Zavod za zapošljavanje.
Nominalna kamatna stopa kredita je 3,00 %, sa rokom vraćanja od 60 mjeseci i grejs periodom od 12 mjeseci, a sredstvo osiguranja istog je hipoteka nad hotelom „Kristal“ i proizvodno poslovnom cjelinom „Furnirnica“.
Nad navedenim objektima nikada nije uspostavljeno založno pravo – hipoteka iz razloga što društvo nije imalo ZK izvadak kojim bi dokazalo svoje vlasništvo na

navedenoj nekretnini. Na osnovu dokumentacije sa kojom smo raspolagali, nismo utvrdili da je za dobijanje ovakvog kredita postojao poslovni plan koji bi pokazao da je moguće zadržati 800 radnika, a takav plan je trebao da sadrži opis proizvodnje i njen obim, opis tržišta, opis konkurencije, opis tržišta prodaje i tržišta nabave, te projektovane bilanse stanja i uspjeha za vrijeme trajanja kredita, tj. 60 mjeseci, te ekonomski i finansijski tok projekta, kao i statičke i dinamičke ocjene projekta. IP „Krivaja“ d.o.o. Zavidovići nije vratila razvojnoj banci navedeni kredit, niti kamate po istom. Kredit je isknjižen iz poslovnih knjiga IP „Krivaja“ d.o.o. Zavidovići, a na osnovu Ugovora o preuzimanju i reprogramu kreditnih obaveza br. FZK-12-2-2418-VIII/15 od 03.03.2015. godine.

Kredit je preuzelo društvo „Krivaja Mobil“ d.o.o. Zavidovići nad kojim je također dana 22.11.2016. godine otvoren stečajni postupak. Osnivači društva „Krivaja Mobil“ d.o.o. Zavidovići su: Trgovinsko društvo "Makro drvo" d.o.o. Žepče, "Marić Žepče" d.o.o. Žepče, Prograd proizvodnja, gradevinarstvo i trgovina d.o.o. Žepče i Privredno društvo „Fedis“ d.o.o. Zavidovići sa osnivačkim ulogom od po 2.500 KM svaki od osnivača, a isti su u stečajnom postupku IP „Krivaja“ d.o.o. Zavidovići bili kupci imovine stečajnog dužnika. Odbor povjerilaca IP „Krivaja“ d.o.o. Zavidovići u stečaju dana 18.08.2014. godine donio je odluku o prodaji imovine stečajnog dužnika IP „Krivaja“ d.o.o. Zavidovići u stečaju putem usmenog javnog nadmetanja po kojoj je oglašena prodaja imovine stečajnog dužnika IP „Krivaja“ d.o.o. Zavidovići u stečaju dana 19.08.2014. godine.

Novoosnovano društvo „Krivaja-Mobil“ je trebalo nastaviti djelatnost IP „Krivaja“ d.o.o. u stečaju i preuzeti najmanje njenih 800 radnika. Dana 23.10.2014. godine Vlada Federacije BiH je donijela Zaključak V.broj: 1853/2014.

Ovim Zaključkom, pod tačkom 2. daje se saglasnost na preuzimanje i reprogram kredita po Ugovoru broj: FZK-12-1-4444-VII/12 od 18.4.2012. godine uz uslov da se formira nova glavnica u iznosu od 6.000.0000,00 KM sa pripadajućom redovnom i zateznom kamatom obračunatom do dana preuzimanja kredita, sa rokom otplate od sedam godina (šest godina i jedna godina grace perioda), s kamatnom stopom 3% uz uslov da se zadrži postojeće sredstvo obezbjedenja/kolateral, kojim će Federalni zavod za zapošljavanje zadržati prvi rang upisa na hipoteku, te uz obavezu Ortačke grupe za kupovinu imovine IP „Krivaja“ d.o.o. Zavidovići u stečaju, da zadrži broj zaposlenih koji je utvrđen osnovnim ugovorom.

Knjigovodstvena vrijednost imovine stečajnog dužnika IP „Krivaja“ d.o.o. Zavidovići, koja je u stečajnom postupku prodana gore navedenoj ortačkoj grupi, iznosila je 50.047.750,00 KM, a ista je prodana za 8.700.000,00 KM. Do 31.12.2020. godine, navedena imovina je evidentirana u poslovnim knjigama IP „Krivaja“ d.o.o. Zavidovići, ali u vrijednosti od 8.700.000,00 KM, koliko je bila prodajna vrijednost 2014. godine, jer „Krivaja Mobil“ nije izvršila ugovoreno plaćanje na način da vrati kredit Razvojnoj banci Federacije BiH.

Napominjemo da su kupci imovine IP „Krivaja“ d.o.o. Zavidovići u stečaju, bila četiri pravna lica koja nisu imala zaključen ugovor o ortakluku u momentu kupovine, te su ugovorom o kupoprodaji ista bila dužna uplatiti 8.700.000,00 KM i to na način kako je predviđeno ugovorom. Anexom ugovora o reprogramu kredita, način plaćanja je definisan tako da novoosnovano društvo „Krivaja Mobil“ d.o.o. Zavidovići preuzme

obavezu po navedenom kreditu prema Razvojnoj banci. „Krivaja Mobil“ d.o.o. Zavidovići je bila novoosnovano društvo i nije imalo nikakvu kreditnu historiju, te nikakve finansijske pokazatelje koji bi upućivali na to i uvjerali i Kreditora i Vladu F BiH i IP „Krivaju“ da može preuzeti takvu obavezu.

Posebno naglašavamo da je obaveza plaćanja bila obaveza pravnih lica koja su kupila imovinu u stečaju po javnom pozivu, te je potpuno nejasno kako je ta obaveza mogla preći na „Krivaja Mobil“ d.o.o. Zavidovići (iako su sačinjeni Anex ugovora i Zaključak Vlade F BiH koje smo ranije naveli), kada je pouzdano postojalo saznanje da novoosnovano društvo nema nikakve finansijske pokazatelj niti bilo kakav plan ili projekat koji bi upućivao na to, ili koji bi mogao uvjeriti strane potpisnice da će moći ispuniti takvu obavezu.

Pogotovo je nejasno kako su kreditor, Vlada F BiH i IP „Krivaja“ mogli ugovoriti da obavezu plaćanja četiri pravna lica prema IP „Krivaji“ d.o.o. Zavidovići može preuzeti njihovo novoosnovano društvo, na način da isto preuzme obavezu po kreditu. Bez obzira što su osnivači navedenog društva, novoosnovano društvo je zasebno pravno lice, koje kao takvo nije ni učestvovalo u kopovini imovine stečajnog dužnika (IP „Krivaja“ d.o.o. Zavidovići u stečaju). Ističemo činjenicu da, obzirom da nisu izmirene obaveze od strane kupca (četiri pravna lica), niti od strane „Krivaja Mobil“ d.o.o., imovina koja je bila predmet prodaje je vraćena IP „Krivaji“ d.o.o. Zavidovići i evidentirana je u njihovim poslovnim knjigama, a obaveza po osnovu vraćanja kredita evidentirana je u poslovnim knjigama „Krivaja Mobil“ d.o.o. Zavidovići u stečaju.

- U poslovnim knjigama IP „Krivaja“ d.o.o. Zavidovići u stečaju, i to na kontu - primljeni avansi, evidentirana je obaveza od 1.850.000,00 KM prema društvima Trgovinsko društvo "Makro drvo" d.o.o. Žepče, "Marić Žepče" d.o.o. Žepče, Prograd proizvodnja, građevinarstvo i trgovina d.o.o. Žepče i Privredno društvo „Fedis“ d.o.o. Zavidovići i to prema svakom od njih po 462.500,00 KM, a nastala na osnovu uplate 10% od početne cijene predmeta kupoprodaje stečajnog dužnika IP „Krivaja“ d.o.o., te dodatne uplate od 980.000,00 KM.
- Na dan 31.12. 2020. godine kratkoročne obaveze društva IP „Krivaja“ d.o.o. Zavidovići u stečaju, iznose 135.543.963,00 KM, a tekuća sredstva iznose 3.806.682,00 KM. Dugoročna sredstva iznose 11.345.497,00 KM, a dugoročne obaveze 493.000,00 KM, s tim da društvo nije evidentiralo manjak utvrđen 2018. godine u iznosu od 433.667,69 KM, od čega se na stalna sredstva odnosi 31.036,00 KM, a na zalihe 402.631,00 KM, te se za navedene iznose umanjuje vrijednost stalnih i tekućih sredstava, a povećava iznos kratkoročnih obaveza po osnovu PDV-a i rashod iz prošlih godina, samim tim se smanjuje kapital društva ili eventualno povećanje kratkoročnih obaveza po osnovu terećenja odgovornih lica. Od ukupnog iznosa kratkoročnih obaveza, na obaveze za doprinose za PIO odnosi se 10.516.904,00 KM, prijavljenih u stečajnu masu i 4.051.840,00 KM koji nisu prijavljeni u stečajnu masu. Dakle, ukupne obaveze po osnovu navedenog doprinosa su 14.568.744,00 KM.

- Vlada Federacije BiH je u periodu od 2009. godine do 2020. godine po osnovu raznih odluka iz budžeta Federacije BiH (razdjeljak 17), sredstava ostvarenih prodajom preduzeća iz nadležnosti Agencije za privatizaciju F BiH i pasivnog podbilansa, ukupno izdvojila 16.074.424,72 KM na ime obaveza za doprinose za PIO/MIO osiguranje radnika IP „Krivaja“ d.o.o. Zavidovići, „Krivaja 1884“ d.o.o. Zavidovići, PD „Krivaja 1884“ d.o.o. Zavidovići i IP „Krivaja“ d.o.o. Zavidovići u slučaju, te dijela neto plaća.
- Porezna uprava Federacije BiH u svom inspekcijskom nadzoru Rješenjem o utvrđenim obavezama br. 13-4-2-15-11-197/16 od 02.09.2016. godine, ustanovila je dodatne obaveze po osnovu poreza i doprinosa u iznosu od 8.046.302,80 KM kod poreskog obveznika „Krivaja 1884“ d.o.o. Zavidovići, dok je Rješenjem br. 13-4-2-15-11-262/16 od 02.09.2016. godine, dodatne obaveze kod društva PD „Krivaja“ d.o.o. Zavidovići utvrđene u iznosu od 3.374.585,66 KM. Navedene kontrole vršene su 5 godina nakon brisanja ovih pravnih lica iz sudskog registra i vršene su u prostorijama društva „Ferimpex“ d.o.o. Zavidovići. Do okončanja nacrtu izvještaja nismo dobili informaciju od PU F BiH, koje je bilo njihovo dalje postupanje po izdatim gore navedenim rješenjima.
- Na osnovu Odluke Upravnog odbora IP „Krivaja“ d.o.o. Zavidovići br. UO. VII-4-1/99 od 16.09.1999. godine odobrena je prodaja zemljišta („Odmaralište Makarska“) koje se nalazi u Makarskoj R Hrvatska u ukupnoj površini od 8889 m² po početnoj cijeni od 2.222.250,00 DM, po sistemu javnog poziva za prikupljanje zatvorenih ponuda. Ova imovina vođena je u pasivnom podbilansu IP „Krivaja“ d.o.o. Zavidovići. Prema Ugovoru potpisanog od strane tadašnjeg direktora IP „Krivaja“ d.o.o. Zavidovići kao prodavca i Milene Jurišić iz Omiša kao kupca, navedena imovina je prodana za 950.000,00 KM.

Iz priložene dokumentacije nismo se uvjerali da je pribavljena saglasnost Agencije za privatizaciju ZDK, te također nismo dobili dokumentaciju vezanu za javni poziv za ovu prodaju, tako da se nismo mogli uvjeriti da li je bilo više zainteresiranih ponuđača, niti kako je došlo do prodaje po cijeni znatno nižoj od početne cijene koju je utvrdio Upravni odbor IP „Krivaja“ d.o.o. Zavidovići. Po navedenoj prodaji, koliko imamo saznanja, trenutno se vodi sudski spor.